



07156

錢塘章先生文集卷第十一

疏狀

進興龍節功德疏



右臣伏以光華盛旦幸逢誕聖之辰精確虔誠仰祝後天之算集緇黃於淨宇演道釋之祕藉藉為臣子之勤欽奉邦朝之慶恭惟皇帝陛下膺圖繼統御世承平性均二帝之仁政邁三王之治祥推繞斗適當千載之期節慶興龍咸讚萬年之壽憑真詮之至妙介景福之無疆永助堯齡豈愧梯航之獻遙瞻魏闕更希葵藿之傾臣無任瞻天祝聖激切屏營之至

章先生文集卷十一

又

右臣伏以千齡景運欽逢誕聖之辰四海驩心競起祝堯之敬精懇仰祈於萬壽真詮共演於三旬恭惟皇帝陛下獨攬權綱紹隆統業默運至仁之化增高極治之風昌期擁帝睭之休慶旦協歲成之候臣忝司遠部遙致嚴宸憑梵眾之虔誠卽金僊之淨宇宣揚祕典合集勝緣膝寶軸以載馳望玉階而恭獻伏願鴻圖惟永勢等於乾坤睿算無疆數均於箕翼臣無任祈天頌聖驩呼激切之至謹具疏以聞謹疏

又

右臣伏以上主誕辰運協千齡之慶四方翹首懇祈

萬壽之隆敬宣祕典仰祝鴻休雖乾坤之賜欲報而無由蓋臣子之心有誠而必盡恭惟

皇帝陛下仁如堯舜治軼商周紹隆先烈之光增重太平之業清明華旦夙欽電斗之祥向慕遠人悉奉梯航之獻臣忝司遐裔遙跂中宸先期憑梵眾之勤彌月演真詮之妙伏願帝圖惟永對北極以齊尊聖算無疆與南山而共久臣無任祈天頌聖激切驩呼之至謹具疏以聞謹疏

右臣伏以應千年之運慶辰密比於中元贊萬壽之祺虔懇率同於下國彌月集縑黃之眾維時宣道釋之經庶竭臣誠仰祈睿算恭惟

華先生文集卷十二

二

太皇太后陛下德隆任姒仁邁勳華固宗社於無疆納生靈於至治聖神誕節適當坤德之成遐邇驩心共祝帝齡之久臣官拘蜀部迹遠嚴宸效傾藿以徒勤跂稱觴而莫及忻逢盛旦遙欽魏闕之尊敬藉真詮竊慕華封之祝臣無任瞻天望聖激切屏營之至

又

伏以玉律在申正協坤成之候素舒旣望雅符聖誕之期慶辰丕顯於明昌率土悉同於鼓舞演真詮於彌月禱睿算於後天恭惟  
太皇太后陛下仁邁唐虞德隆任姒納寰瀛於至治

之極固龜鼎於無疆之休節繼中元密契千齡之遇  
精鈞下國仰祈萬壽之延臣等恪守遠官忝逢盛旦  
飾精虔於梵眾藉勝妙於貝文遙欽魏闕之尊輒效  
華封之祝臣等無任瞻天望聖抃躍屏營之至

漢書又曰壽考於斯部美千禧之盛聖節應禱

右臣伏以聖神誕節盛當坤德之成臣子歡心仰贊  
帝齡之永集緇黃於精舍演道釋之祕文彌月伸虔  
溥天一致恭惟

太皇太后陛下仁參覆載化被華夷保基業於安強

納生靈於富庶運符千載慶辰密亞於中元誠祝萬

年勤禱率同於下國臣等職拘閩部迹遠楓宸稱觴

章先生文集卷十二 三

莫繼於簪紳向日但希於葵藿藉真詮之有助祈睿  
算於無疆臣等無任瞻天祝聖激切屏營之至謹疏

太后進興龍節功德疏

右臣伏以遇聖神之誕日曲盡虔誠演道釋之祕文

仰祈睿算雖乾坤之賜難報蓋葵藿之心必傾恭惟

皇帝陛下繼統明昌持盈憲度光大祖宗之業均齊

堯舜之仁繞斗效祥昭契千齡之盛興龍慶節咸歌

萬壽之祺爰藉力於真詮永延洪於景祚拳拳馳敬

遙欽魏闕之尊懇懇獻言竊紹華封之祝臣無任瞻

天祝聖激切屏營之至

天祝聖激切屏營之至

右臣伏以祥電繞斗雅符聖誕之辰飛龍在天盡冒  
君臨之澤率土敬祈於萬壽真詮共演於三旬恭惟  
皇帝陛下治越成康德侔舜禹納生靈於富庶保基  
業於隆平昌期擁帝眷之休慶旦協歲成之候臣忝  
司闔部遙跂楓宸憑梵眾之精虔就佛宮之嚴潔宣  
揚祕典成集勝緣緘寶軸以遠馳望玉階而仰祝伏  
願鴻圖惟永齊久於乾坤睿算無疆比隆於箕翼臣  
無任瞻天頌聖激切驩呼之至謹具疏以聞謹疏

進天靈節功德疏

韋先生文集卷十二

四

之勝因仰贊無疆之睿算恭惟  
皇帝陛下性仁御極稽古紹圖守成光七聖之規發  
政出三王之表言納芻蕘而輿情上達恩霑動植而  
和氣四充流渚繞樞幸遇誕辰之盛望雲就日咸輸  
精禱之勤臣恪守州符遙欽魏闕藉虔誠於淨侶宣  
祕典於累旬伏願龜鼎靈長佑明昌於億世冕旒垂  
拱保安治於萬年臣無任瞻天頌聖驩呼激切之至  
又  
右臣伏以造化元功方慶歲成之序聖神誕節允侔  
天德之靈寰區歌千載之逢鐘梵祝萬年之算恭惟  
皇帝陛下德參覆燾明合照臨建皇極以承天運陶

鈞而御曆智執兩端而用中如舜仁不徧愛而急賢  
若堯熙熙極治之時皞皞可封之俗光輝自昔咸欽  
繞斗之祥謳頌於今競起望雲之禱臣恪司符竹遙  
仰闕庭集淨侶以先期演真詮於彌月伏願皇圖鞏  
固益隆不拔之基聖壽增崇永保無疆之福臣無任  
瞻天頌聖驩呼激切之至

具位臣姓某聖鑒  
進奉 興龍節銀一千兩  
右臣伏以明聖誕辰咸祝萬年之算方隅禮貢莫先  
九牧之金前伴銀山實效珍地非愛寶助盛旦充庭  
之末輸遠臣任土之誠冒瀆宸旒臣無任瞻天望聖  
激切屏營之至謹附福州綱詣闕上進以聞謹進

同前

右臣伏以誕聖慶辰幸遭千齡之運望雲茶貢敢希  
九牧之金前伴銀任土效珍充庭致禮仰祝後天之  
算遙傾向日之誠干瀆宸旒臣無任瞻天望聖激切  
屏營之至其銀謹附南劍州綱詣闕上進以聞謹進  
右臣伏以慶節光華咸祝萬年之算貢金明潔可參  
前列之龜前伴銀地不藏珍禮由任土式助充庭之  
末敬伸向日之誠臣無任瞻天望聖激切屏營之至

進奉坤成節銀狀

右臣伏以倪天誕聖協千載之慶辰列國望雲祝萬年之睿算均驩心於無外致貢物而有常前件銀任土所宜效珍於遠願充庭實之末庶竭葵傾之誠干冒宸慈臣無任瞻天望聖激切屏營之至

進天寧節銀絹狀

銀五百兩 絹五百疋

右臣伏以上主誕辰咸起後天之祝四方禮貢各修任土之儀前件物山岳效珍蠶桑致用敢備充庭之末仰祈萬壽之隆干冒宸旒臣無任瞻天望聖激切屏營之至

韋先生文集卷十二

六

又

右臣伏以君王誕節有生皆樂其聖時臣子勤誠任土各修其方貢前件物精堅爲品組織效能仰塵北闕之嚴上祝南山之壽千躋旒展臣無任瞻天望聖激切屏營之至謹錄上進以聞謹進

代楊侍郎使北表奏書狀

賀十二月七日生辰

白溝謝御筵奏狀

肅將信幣方趨赴於慶辰始及鄰疆遽遠類於禮宴旋省馳驅之迹仰銜犒勞之私感激良多敷陳曷諭

新城謝撫問表

叨被恩私曲加存撫謝竊以睦鄰修好慶誕講儀

擁節光華將致國書之重傳辭溫厚載懷郊勞之優  
榮感所并情誠莫罄

燕京謝酒果奏狀

載馳駟騎方憩留都涯恩與厚禮兼隆嘉實共醇醪  
並賜益滋銜荷難極敘陳

檀州謝賜湯藥表

馳慶寶鄰念修程之邁邁拜嘉珍劑荷殊惠之駢臻  
中謝竊以聘節在途時寒應序曲被撫存之厚遠貽  
服餌之良仰冒眷慈內深兢惕

副使奏狀

叨陪修聘方跋履於長途幸預拜恩獲緘藏於良劑

章先生文集卷十二

七

仰戴撫存之惠伏增感激之誠

中京謝皮褐衣物等表

薦辱寵私遠頒衣褐中謝竊以恭修國聘寅奉使華  
荷賜有加曲降凝嚴之備撫躬知幸都忘衝冒之勞  
惠雖被於體膚感實深於悃悞

謝簽賜酒食奏狀

信睦顯修方此車徒之憩匪頒遽及沛然醪饌之均  
仰味恩霑第增誠感

謝館宴奏狀

乍息乘輅方勤授館遽承宴犒尤荷寵綏仰優渥之  
所加敘懇悰而罔旣

謝合食酒果奏狀

觴豆曲頰仰銜醇厚之味果散兼賚飲享甘鮮之珍  
叨美貺以滋多揣愚衷而甚忝

荷華前謝生餼奏狀

茲展慶儀屢蒙禮賜既霑榮於宴勞復拜貺於餼牽  
感與愧并情非言究

賜射謝射弓御筵奏狀

義隆鄰好禮浹賓榮肆筵敦示惠之情講射尙和容  
之節敢自矜於殼率徒有愧於堵觀荷遇從容省躬  
悚幸

春盤幡勝奏狀

韋先生文集卷十二

八

春陽應候禮餽適時嘉蔬助旅食之甘採勝增使華  
之美累膺寵賚倍積感慙

謝餞筵奏狀

致幣奉觴旣成儀於誕節還朝復命仍叨賜於祖筵  
卽就道以言旋唯銘心而倍感

回燕京留守三幅

振轡使輅將講寶鄰之好假途留鑰幸瞻宗戚之風  
荷華翰之首貽在鄙誠而倍感

副使

叨陪使駟幸過留都首蒙誨翰之華仰服謙沖之度  
竊深榮荷曷罄敷陳

謝燕京留守請赴筵

持旄暫弭幸通謁於門闌飛翰見期重伸誠於觴豆  
仰銜厚意尤激深情

副使

假道宗藩幸參使事貽書賓館特辱禮招荷踰勞之  
過勤懷悖慙而彌甚

謝燕京留守餞筵

使畢南歸復閱別都之盛禮勤東道特伸祖席之華  
感厚遇以不忘敘繁言而莫既

副使

復繼還輶薦經留鎮方在脂車之際更叨餞席之榮

韋先生文集卷十二

九

荷德彌深銘衷無已

回中京留守三幅

馳慶誕辰方恭修於國聘假途留鑰將仰覲於賢規  
敢意謙沖先貽緘翰其爲感忤何以諭陳

副使

參華持節取道別都敢圖厚德之沖先損緘題之貺  
荷慙無已數敘奚殫

謝中京留守召赴筵

行方弭節幸少憩於留都待以肆筵固益欽於主禮  
仰當寵召深愧勤誠

副使

忝陪銜命幸獲披風敢希留務之餘特有燕私之召  
愈增感服難盡喻云

首參謝中京留守餞筵

禮成復命再出名都義重敘違更勤勝餞唯仰欽於  
顧遇但併積於感銘

副使

畢聘言旋歸途載復何幸蕃宣之重過形餞送之勤  
奉跋謙光鏤銘心曲

副使

聘好已修方迴策馭道塗所歷復過封畿仰瞻意之  
益隆辱緘題之先貺感慙之甚悰悃不勝

韋先生文集卷十二

十

副使

叨貳使車旣成講好復經留甸載獲望風過蒙枉教  
之先益甚厚顏之愧

幸與蕭回諸州攀迎

好通鄰域道出樂郊方叱馭以言還遽飛文之見及  
感勤滋甚敘懇奚周

副使

出疆詒事還闕戒行忝參貳於傳車復經繇於樂土  
首辱緘勝之貺竊深佩刻之悰

副使

趣還馳傳復道名疆遽沐榮緘曲形嘉召欽勤誠之

相厚真鄙意以獨深

副使

幸陪歸使再厯要藩敢煩治具之延何意貺音之逮  
愧慙殊劇紆述奚窮

回諸州餞送

馭叱星軺心馳天闕更煩祖餞之禮尤助歸途之榮  
載仰勤渠不勝銜感

副使

還貳轄軒復經名壤辱貽書而加禮煩供帳以餞行  
悚荷兼常敷宣莫及

回諸州遠迎

章先生文集卷十二

十一

恭持聘節幸出治封欽厚意之特勤枉柔緘而先辱  
卽諧展敘聊致款誠

代鴻臚陳卿使北表

謝白溝御筵奏狀

恭持信幣顙奉慶辰戒行將謹於出疆加禮首煩於  
命介仍霑宴衍益佩恩榮感懌所深情誠莫旣

新城謝撫問表

叨被睠私曲加撫問中謝竊以講睦鄰之好修慶誕

之儀資奉使華將肅成於禮命仰膺郊勞已欣服於  
德音旋省愚衷第知厚幸

燕京謝酒果奏狀

受辭文陞馳慶寶鄰方憩止於別都遽頒宣於嘉惠  
醇醪溢榼美實盈籩仰味恩慈深銘肺腑

檀州謝湯藥表

仰奉臚傳曲頒藥餌中謝竊以睦鄰講信持節在途

執獻壽之清觴將陪盛禮錫尙醫之良劑首服除私  
拜命載惟撫躬增感

謝賜毛褐衣物表

遠諭綸言榮頒毳褐中謝竊以恭修國聘夙駕使軺

方趨奉壽之辰先荷賜衣之禮服之以拜固知狐貉  
之非溫被而在躬孰謂雪霜之可畏刻肌彌感敘懇  
莫殫

韋先生文集卷十二

十二

謝館宴奏狀

乍息乘輅遽蒙授館將講鄰歡之信叨承宴犒之儀  
優渥所霑悚惶彌劇

謝簽賜酒食狀

甫及誕辰將伸慶禮方車徒之就舍俄飲饌之霑恩  
仰奉瞻存但增銜感

謝合食酒果狀

致幣稱觴恭修鄰好投醪懷核屢挾賓榮仰厚遇之  
有加俯卑悰而知愧

謝春盤幡勝狀

新春應序嘉貺適時俎育珍蔬助甘旨於旅食首加

綵勝增賁飾於使華第切忻銘不勝悃悃

謝生饋奏狀

恭修賀慶已蒙宴犒之優曲被恩私更及餼牽之厚  
仰懷遇待愈積悻慙

謝射弓御筵奏狀

寵厚肆筵禮優講射幸享娛賓之惠愧無中鵠之功  
聲畫所窮悃誠莫究

謝餞筵奏狀

禮成誕節將復命於明廷義重鄰歡載承恩於勝餞  
行矣言旋之迹悠然懷感之情

准備謝觀打毬表

董先生文集卷十二

十三

駿馬爭驅廣場增氣神珠應手眾目駭觀中謝竊以  
載舉宴儀曲優賜節既豆觴之嘉惠復馳擊以侑歡  
臣等將命茲時預觀爲幸仰念寵嘉之厚益增愧荷  
之深

回燕京留守三幅書

講權鄰域叨使指以載馳假朔留都幸相臣之相際  
首辱臧膺之貺但深銘感之懷

回燕京留守請赴筵

乘輅假道方幸於晤言飛翰見招益欽於禮意其爲  
欣荷曷罄敘陳

謝燕王餞筵

茲幸使還復經留鑰曲蒙主禮更肆祖筵仰厚意之益勤俯深誠而增愧

回中京留守三幅書

馳慶誕辰假途留鑰方幸披風之便首蒙枉翰之勤感忤所深敷陳奚究

謝中京留守餞筵

還轅復命再出於留都具禮餞行重勤於祖席仰欽睠厚第切感銘

回中京留守攀迎

持節言旋旣蒙厚禮飛文敘別益仰勤誠在愧感以難名唯保調而是請

華先生文集卷十二

十四

准備回諸州攀迎

幸成使事復過郡封荷雅睠之曲敦在華緘而先及卽諧瞻晤可罄款誠

謝諸州請赴筵

還叱輕輶復繇樂土遽辱餞題之貺將伸觴豆之勤竊荷嘉招但銘私悃

謝諸州餞送

使還假道旣幸於晤瞻主禮致勤重煩於餞送情非言喻感與愧并

代衛尉陳少卿使北表奏啟狀

白溝謝御筵狀

因時講好尤重春元銜命出疆首蒙恩荷仰荷宴慈  
之及益增使事之光竊感固深繫言莫究

新城謝撫問表

叨承音旨曲被撫存中謝竊以改歲慶元睦鄰修好

恭持信幣道方肅中謝宵征遠冒德音禮有加於郊勞

其為榮感莫罄悃悃

藍京謝酒果奏狀

使軺遙邁方憩別都禮賜遠頒益欽異數既享醇醪  
之味兼嘗美實之珍銜感無窮書言曷致

檀州謝湯藥表

交慶春朝將展寶鄰之聘拜嘉樂土遽蒙珍劑之頒

韋先生文集卷十二

中謝竊以擁節馳驅際時凝凜曲軫修程之蹟特推  
良餌之恩祇受載惟仰銜無已

副使奏狀

參陪使節馳騁鄰封荷軫卹之異恩捧調和之良劑

唯珍服餌彌刻肺肝

中京謝皮褐衣物等表

星輅行邁天氣冽寒曲被恩慈遠加衣褐中謝竊以

恭修國聘肅奉使華衝冒遵途方有凝嚴之憚匪頒

在笥遽承溫煖之私撫已增榮銘心知感

謝館宴奏狀

乘輶稅止拜賜稠重既蒙授館之安復荷加籩之禮

寵綬所逮銘鏤奚殫

謝發賜食奏狀

車徒方憩將展慶儀醪饌有加均霑寵數極情誠而  
增感在筆舌以難窮

謝合食酒果奏狀

樽疊曲賜醇美既霑馥核旅陳珍鮮並享仰冒眷慈  
之重愈深銜荷之誠

謝生餼奏狀

恭致國書屢承臺醜宴犒已霑於優渥餼牽復繼於  
頒宣感悞不勝敷陳罔既

謝射弓御筵奏狀

董先生文集卷十二

十六

射惟觀德宴以示慈茲緣鄰好之修遂玷寶榮之貺  
能非志毅徒有醕觴慙荷休恩充盈卑悃

謝春盤幡勝奏狀

律變時春恩加節物柔蔬薦味綵勝增華益欽禮醜  
之優幸作使光之助

謝餞筵奏狀

禮成修聘將復命以言旋恩厚肆筵叨餞行而知愧  
皦皦承懷於心曲悽悽難盡於筆端

回燕京留守三幅

講好鄰邦取途留府何幸藩宣之重先形翰墨之華  
感忤兼深紆陳奚既

副使

叨貳使軒幸經留鑰敢圖謙德首辱榮緘荷禮遇之  
勤渠在悃悰而悚息  
謝燕京留守請赴筵

茲幸假途獲睹旌麾之盛特勤飛翰見期觴豆之延  
祇服瞻私彌深感難

副使

弭節留都幸聆廣譽枉書候館曲被嘉招仰欽存勞  
之私第積感慙之素

謝燕京留守餞筵

訖事旋歸道載經於留鑰伸誠將送禮尤厚於祖筵

韋先生文集卷十二

十七

銜荷不忘指陳莫極

副使

幸參華節再歷名都方重別於音徽更叨承於飲餞  
彌深感仰曷罄敷宣

回中京留守三幅

馳駟鄰邦方勤於修聘假途留鑰將幸於聞名敢意  
搗謙先煩飛翰感慙茲甚敷諭奚周

副使

叨陪使節幸涉留都荷瞻與之特勤枉緘封而先及  
其爲感悞曷罄敷陳

謝中京留守召赴筵

暫憩星輶幸茲授館遽承珍翰期以肆筵仰厚意之  
過勤撫深悰而增愧

副使

參貳使華之行獲經美治敢希留務之隙時枉寵招  
悚荷所深喻銘奚究

謝中京留守餞筵

使軒云復幸再厯於名疆主禮尤勤重叨承於盛饜  
倍銜厚遇第極鄙情

副使

參陪復命再假歸途方伸取別之情更辱餞行之禮  
感衷彌甚溢幅奚殫

韋先生文集卷一

一八

回中京留守攀迎

已畢聘儀復經留甸切荷謙沖之量元形緘翰之先  
悚忤良多指陳莫喻

副使

忝貳使軒已恭修於聘好薦經留府將載邇於風猷  
荷尺牘之先貽銘寸心而不泯

淮備謝觀打毬表

騰踔廣場睹追風之駿足幹旋妙技駭應手之神珠

中謝

竊以義重睦鄰禮優展慶申惠私而加宴肆馳  
擊以侑觴臣等弭節茲時寓觀爲幸激懦衷而愈感  
寫深悃以難周

去日回諸州攀迎

修聘鄰封取途治府首煩華翰仰認勤誠感戢所深  
布宣莫迨

副使

幸陪乘遠獲涉治封敢意謙冲先貽緘翰俯慙無己  
縷述奚殫

去日回諸州請赴筵

暫休馳駟方幸假途特枉榮緘曲形嘉召彌荷勤渠  
之踰尤增悞慙之情

副使

叨陪星使方瀆館人更辱緘題之榮曲垂觴豆之約

韋先生文集卷十一

十九

感慙益甚敷致何窮

回日謝諸州攀迎

茲叱還輶載經會府荷謙勤之見及損翰墨以先貽  
第切悚銘莫殫剖述

副使

忝參復命載飭還轅先沐枉書尤欽厚意在深衷而  
彌感非累幅之可陳

回日謝諸州請赴筵

趣還上國復過名城辱竿牘之見貽具壺觴而爲召  
深銜禮遇曷罄指陳

副使

回諸州攀迎

幸參迴節薦歷名疆旣蒙授館之勤仍沐銜杯之召  
不勝愧荷無以喻云

### 進奉郊禋羅

右臣伏以聖神繼王重反始於祖宗禮祀肇修大推  
尊於穹昊盛矣園丘之事驪然萬國之心包茅並馳  
琛賚交獻見夷夏懷仁之至誠邦朝濟治之隆臣忝  
守封疆阻承鹵簿不獲駿奔於天禮第唯想望於清  
光貢物有常敢踰任土之制充庭甚薄深懼黷君之  
誅前件羅差教練使某乙管押上進臣無任瞻天望  
聖激切屏營之至謹進

### 上廣西漕章少卿

韋先生文集卷十二

三

右某言念自違恩庇日企德輝悵道里之甚遠拜旌  
麾而莫及頃濫遷於省局嘗馳謝於郵筒竊惟懇款  
之深仰被聰明之照恭以運使少卿量函宏厚誠際  
淵源久著正人之聲獨高舊德之萃搢紳慕其格度  
當展器其材猷連捧芝函之榮兩司桂管之重雖朝  
廷之意欲惠於遠方然廊廟之資尙淹於大用仁聞  
不次之命以塞至公之評某夙冒獎知尤增瞻頌伏  
望上爲邦社精調寢興無任激切依歸之至

### 上鄭內翰啟

右某伏審拜命止前擁麾方面中外之望猶爲欲然  
東南之情不勝幸甚仰惟鎮撫之始福禧以凝恭以

某官稟粹天元游心聖奧以伊臯任己之重以堯舜  
致君之明風迹高於本朝聲華映於近古潤色大業  
方繁鴻筆之攄頌條巨邦俄便安輿之奉雖承宣遠  
副於當宬而膏澤尙拘於一方未諧當軸之權終蔚  
薦紳之議顧惟鄙樸尤頌高明附風雲之程嘗叨於  
曩日遠珪璧之度已涉於積年欣聞桑梓之間獲被  
埏谿之造第悵縻軀於職局莫由齋謁於門闌拳拳  
有誠縷縷難罄伏望上爲倚注精調寢興

上章少卿罷廣西漕

右某伏審解印南方擁麾北闕暫休經畫之慮卽戒  
川途之程仰惟衝冒之間福休以相恭以某官秉心

韋先生文集卷十二

五

純正涉道精深識通幾微政有根本材猷久服於羣  
口風迹著聞於九重黽勉數年振嶺表列城之敝奔  
趨三節副朝端前席之詢行膺不次之恩聊塞至公  
之論某夙叨獎進尤切瞻頌屬官局之有拘望車塵  
而莫及伏望上爲眷倚精調寢興

上河陽富相公

代浙漕  
段大卿

某言念久違鈞庇日企台光悵外計之所拘拜高牙  
而莫及伏惟鎮撫多暇福休薦臻恭以某官與國輝  
光爲時閒傑心游仁義之粹學際天人之交發策決  
科經綸夙著出疆專對荒獮久寧非堯舜不陳於君  
以稷契自任於己志已充於功業望益重於老成勤

勞邦家被三朝之注意出入將相聳四海之具瞻握  
樞輟謀畫之煩擁節遂優閒之請雖清衷加厚徇所  
欲於勳賢然輿論難平願復還於鈞軸某素叨獎顧  
尤極頌言伏望上副倚毗精調寢味尚祈林藹  
續上集賢曾相公洞前編補黜邪器節尚祈審良  
右某言念賤封上瀆惕愚慮以方深教勤下願仰台  
光而如近迹繫外臺之役心馳東閣之榮伏惟燮理  
多餘神明來相恭以某官術高經濟道著將明柱石  
三朝著龜萬化謀謨入告自比伊夔之誠勳業大凝  
遠逾房杜之器贊盈成於無逸避譽聞於不居增重  
太平之風優游賢相之體四方奠枕莫非偃草之從

韋先生文集卷十二

三

百辟具瞻悉荷秉鈞之庇某衰遲晚節黽勉東州獲  
逃漕輓之愆盡出埏鎔之賜在持身而愈篤於頌德  
以益深伏望上爲邦家精調寢餼之施之業之大之  
續上省主韓端明狀洞前編補黜邪器節尚祈審良

縻軀漕局曠迹計庭望德茲深與時浸永方貢成而  
未幾遽拜教於不圖榮慰雖多跂瞻愈切伏惟經畫  
餘暇福休迭來恭以某官識洞淵深器函方格奮身  
胄族之貴平步鼎科之雄公忠久荷於倚毗材術累  
更於踐歷剴煩曩日肅天邑之浩穰任重此時瞻邦  
財之用調未遂鈞衡之用倘淹廊廟之資而某夙被  
獎知日蒙庇賴旣貫行於戒命且善頌於聰明願觀

當軸之榮躋以快輿情之竊議伏望上爲邦社精調  
寢興

上兩省以上起居問候狀

同前

職局轉輸奔馳列郡歲時遷變遠高閣雖久曠於  
貢音固不忘於慕德伏惟氣體養正神明降休恭以  
某官器等珪璋量包淵藪秉赤心而內固歷華貫以  
薦更廊廟未登尙抑謀猷之遠冕旒載眷仁聞委寄  
之優伏望爲國自將副人善禱

上知郡錢少卿

某不競舍田卽學竊玷仕版旣樸無他長每自顧以  
義而不敢苟於進取故袞袞微宦勉力以資祿養者

章先生文集卷十二

三

幾二十年名聲不能動人氣力不足立事仰思古之  
豪偉魁磊之士唯愧恨其不及而所不作者所守未  
嘗違所學耳曩者次補遠邑易地茲土旣至之始乘  
圯敝紛揉之餘雞鳴而起孳孳從事日赴於庭者不  
啻蟻聚烏合之眾而習俗輕悍人人爭勝相軋以鎚  
銖毫髮爲校而求其所以平參以筦庫奔走簿書期  
會藁於藁然雖極力以爲之常懼材智淺鈍不勝其  
任而絀吏議故黽勉區處不遑少安惟是晨昏定省  
之外他皆所不暇也若其江山清曠之興歲時遊從  
之樂不知爲何等事官況至此良未爲愜乃所幸者  
冒執事照庇之賜異於等倫庶幾猶可爲也苟或不

然則引去也久矣仰託恩力如是其肯作慢以取威怒於不測乎雖牧兒羹子之愚亦知其不可爲也且其獨何心而爲之乎某前日以虧利之咎輒勤有司此不職之所宜得在著令之文明如秋陽而不可掩雖子弟不能覬幸於父兄之手也其名爲罰其理不足以及辱則心無所動也以其不能覬幸則憾無所從起也於無動無憾之間而返加橫逆於承檄之人是足爲狂疾人也然則何歟蓋若人舊役於縣累有宿愆逋責久挂官籍難於煩浼聽覽不敢數數申請乘其來之便遂令了一名件此犯情尤不良亦祇畧與訖竟不圖興訴以干階屏今日捧受使檄乃知緣此

追逮吏輩震恐慙慙汗流及趾不肖之迹不能遠嫌於未然其被罪也固不敢逃唯斬高明委曲垂恕而亮其疏拙而無他心不謂不知厚德之及而疏絕之則幸甚

右某伏審光膺詔檢榮贊計庭伏惟慶慰恭以某官學窮根本識照幾微聲華一時風采羣彥蚤更器使之重密簡上知之明北道宣勤贍兵儲於不日中朝遴選佐國用於復來豈唯積時竭慮而致財賦之饒將見高翔闊步而攄醞藉之廣某嘗叨獎遇尤極頌瞻悵職局之所縻走門闌而莫及下情無任欣抃之

至謹具狀起居陳賀

上翊善馮學士

右某言念自違恩闕日企德輝悵道里之阻長貢款誠而稀闊伏惟道諭之暇神明其休恭以某官涉道粹深處躬夷亮著龜萬變標矩一時智謀淵淵贊計庭之財賦風迹凜凜肅天邑之典型雅協宸衷之至賁遷王府之佐至誠以固居有可尊之名清議所歸伫膺不次之用某夙叨獎遇尤極頌瞻聽惇誨而未涯馳鄙心而彌切

上發運皮度支

右某伏以抱非常之略微劇任不足見其所施對有

章先生文集卷十二

五

爲之時唯鉅賢乃可分其所寄材與世而相會義兼命以不違亦振古之所難逢在吾儒而爲盛事若簪紱傾風之眾馳慶爭先而門闌荷德之生致誠獨後豈自貽於謹絕蓋久困於拘攣少平恐懼之衷輒恃高明之度仰惟經畫餘裕福休在躬恭以某官氣稟純和量函方厚術學堅正智謀博通應事變以無窮適時宜而有要作清平之重器奮夷亮之大心未涉四鄰之榮暫顯六路之計風力揚於朝右事權半於寰中無愧古人真得壯行之志實繁輿議尙淹入告之猷某頃冒獎知復陶庇育銘誨言而歷歷向恩義以拳拳何日望塵得伸卻掃之禮惟時欽頌固有戀

軒之情伏望上副倚毗精調寢膳

賀諫院鄧舍人

右某伏審光奉恩俞榮顯制命正人翔步多士懽心顧惟門下之生少慰胷中之望恭以某官學行自信德性素高以純誠結上主之知以博器爲眾賢之重勇當言責每焚草以慎傳審治官聯惟擇材而密啟方藉英華之氣獨承綸綍之裁然侍從雖優豈足盡遠存之志儻疑丞未拜烏能使輿議之安某竊玷獎知尤深忻頌悵海壖之拘迹企台屏以馳情伏祈上爲廟朝精調寢饋

賀判監侍講學士

韋先生文集卷十二

五

右某伏審光膺詔檢入奉經筵聞風一時交語相慶恭惟某官存誠務遠涉道資深術應變以無窮智運才而莫敵獻言中禁早昭天心擁節東州方宣君澤重器難淹於外補封軺遽促於北歸祕殿論書必盡唐虞之道上庠主教益敦鄒魯之風仁聞大任之榮以愜至公之議某竊叨顧遇尤劇頌瞻悵踰縮於海瀕阻奔趨於門下伏望上爲邦社精調寢興

問候諫院鄧舍人

右某自違德庇日企台光悵拘迹於海壖曠馳誠於恩闕伏惟草制餘裕對時納休恭以某官器業宏深踐修方正學際天人而守之以晦智通事物而應之

以虛綽有大儒之風儼爲多士之望履亨翔步雖榮  
侍從之班兼善存心猶鬱將明之蘊某竊叨顧遇尤  
劇頌瞻願觀大任之陞蚤慰輿言之切伏祈上副瞻  
倚精調寢興

間候江東運使職方

右某言念久遠恩闕日欽德表阻道途之繇邈貢音  
繹以闕疏仰恃高明之有容庶幾愆責之可逭伏惟  
按厯多暇福休並臻恭以某官器業宏深材謀超邁  
累膺使指之重夙被宸衷之知移節江東雖慰一方  
之望納忠朝右尙稽三接之榮某素荷愛存倍深祝  
頌伏望上副瞻倚精調寢興

賀前淮漕俞學士移命

章先生文集卷十二

二十七

右某伏審光奉詔書榮趨魏闕屬拘官之有守望行  
旆以無緣戀德益多馳誠莫究恭以某官材謀超遠  
器業宏深智應變以不窮學逢原而自得久聳仕途  
之望早參公府之華上簡宸衷特預書林之選出膺  
使指暫分淮甸之憂撫疲瘵以方寧廣咨詢而未及  
召節遽至輿情若爲然近用非宜固也遠吁俞之命  
而對揚不晚庶乎恢膏澤之資某竊荷獎知尤增瞻  
慕願爲邦社善調寢興

賀杭州知府待制沈興宗

時作海門知縣

右某伏審光膺飛詔推領便藩豈唯耀閭里之觀誠

足慰東南之望一時清議交口均權伏惟坐鎮雍容  
納休駢萃恭以某官材猷超遠德誼高深學見於行  
智酬於變奮述忠嘉之道致身侍從之榮撫育全吳  
雖朝廷之優寄贊承密席在器業以尙淹某久遠輝  
光倍增瞻仰悵縻軀於簿領阻伏謁於門闌日對詔  
棠益想端人之表心馳棊梓聊輸不肖之誠伏望上  
副倚毗精調寢味

問候發運張職方

右某言念久遠輝光日增嚮仰再陶庇育中竊忻愉  
但拘煙海之瀕難走旌麾之下在愚誠莫能少貢蓋  
音繹不敢僭馳豈自絕於賢門肯輒忘於禮遇仰祈

韋先生文集卷十二

三

明廓之鑒委照叢微之衷伏惟經畫多餘福休兼萃  
恭以某官器鍾間異材蘊將明學逢自得之原智應  
無窮之變累膺邦寄早結上知未涉四鄰之榮暫顯  
六路之計風力盛揚於朝右事權幾半于寰中何愧  
古人真得壯行之志實繁輿議尙淹入告之猷某未  
遂望塵第深頌德謹緣一介之便聊獻積年之情伏  
冀上副倚毗精調寢饋

謝前海門徐主簿

右某久闊緒言積瞻思而無算尙緣同事忻際遇之  
有涯旋審見星之行遂虛披霧之願弦朔易改音郵  
莫傳幸單介之遽來荷尺書之遠及伏望俯就禮制

載安寢興宿學周才難久淹於栖隱修途清貫行仰  
聽於飛翔會晤尙賒保調是請

賀冬

右某伏以剝往復來物心將泰陰消陽長賢履所宜  
恭惟某官吉德在躬純誠應物造此令辰之會納諸  
繁祉之休某跼縮窮深縈縻職守第望風而伸禱圖  
拜壽以無緣

滁倅到任謝監司

右某伏奉敕差前件差遣已於今月十八日到任訖  
非材佐郡方虔視事之初高位鈞仁因識託庥之幸  
恭惟某官聰明坐照德誼內充表儀羣吏之端振舉

韋先生文集卷十二

三

百城之治某乍顛職守仰奉聲輝未能聽教於門闈  
第用馳誠於音驛

滁州陳內翰

比者濫膺宸綽叨贊郡條方依德之有涯竊省躬而  
自慰恭惟知府內翰性鍾間異道涉淵源以嘉謨直  
節而結上之知以碩學鉅材而聳時之望踐玉堂之  
清近更天府之浩穰偶鎮偏封坐極承宣之效伉迎  
大任行攄經濟之猷某景嚮積年參陪有日預忻披  
霧將仰於台光先謹發函輒塵於藻鑒伏望上爲邦  
社精調寢興

又

言念近貢賤函方倅慙於塵冒遽貽誨牘但感仰於  
謙光伏承山國寒微鈴齋甚暇穆若神明之相晏然  
氣宇之和式慰遠瞻且符善頌恭以知府內翰術操  
經濟材蘊將明外夷險而以道自期忘貴富而以德  
自任剖符暫屈限膏澤於一方趨節佇聞聳儀刑於  
四海某卽奔官守漸邇台輝唯祈召拜之少延庶慰  
傾依之夙望伏覲爲時自壽副下所瞻

賀冬

監詞

伏以日在北陸陽萌黃宮歲功爲布德之初人道重  
履端之始惟時賀慶之禮莫盛賢明之歸恭惟某官  
器業高深忱誠渾厚對令序以順適納純修而獨多

韋先生文集卷十二

三

坐撫列城均致福綬之及仁膺大任倍迎寵數之優  
某踰守備員阻趨爲壽遙企門闌之峻徒增祝頌之  
虔

賀運使韓司勳

伏審光膺詔檢榮領漕權凡冒德庥舉增誠悅恭以  
運使司勳材猷高遠器業宏深蔚有古人之風周知  
當世之務霄歧翔步行膺三接之榮淮南先聲立致  
百城之福某感驅職局企踵旌麾未修謁伏之勤始  
獻頌瞻之懇

伏審光膺宸詔出按淮邦惟時列城並意相慶恭以

某官材深應變器重適時要劇累更聲輝獨盛尙淹  
高躅未慰愜於輿言暫屈遠謀爲福休於一道某尸  
官山郡引領車塵未伸一拜之勤聊謹寸誠之獻

上北路監司

比者叨被恩俞幸分郡寄將依德庇預慰誠心恭以  
某官器業閎深材猷高遠中外累更於要職事功綽  
著於昌辰持節東吳雖厚一方之福飛聲上國仵膺  
三節之招某指日戒途之官瀕海望使臺而漸邇伏  
賓次而有期敬遲參承併紆懇款謹先奉狀起居

賀豐待制

右某伏審光奉綸恩榮頡方面列城千里相慶一辭

韋先生文集卷十二

三

恭以某官德望素高學行甚偉以忠讜蚤揚於諫列  
以剛明久貳於卿曹暫離侍從之聯出展藩宣之效  
睢陽近甸頃辭留鑰之崇浙右名邦來統兵鈐之重  
畫錦旁輝於鄉國歌襦翕振於民聲某尸官海濱假  
途節下修桑梓之敬匪夕伊朝仰旌戟之嚴旣欣且  
幸先馳緘慶曷究款誠謹奉狀賀

賀謝蘇倅

右某伏審及瓜受代解印還臺竊惟慶慰恭以某官  
性資冲厚術學精深藹然愷悌之聲美矣承宣之助  
宣勞澤國惠民物而有終奏課宸廷被龍光於不日  
曾惟衰拙遂失瞻依辱誨翰之先貽在悃誠而深愧

卽期邂逅以罄敘陳謹奉狀賀兼謝

賀章倅學士

右某伏審涓辰已諧視事竊惟慶慰恭以某官學深造道德粹秉彝冠多士於南宮耀英游於文館露章請外蚤摠及物之誠明詔發中佺聽急賢之召曾惟衰拙將幸瞻依欣慰良深敷陳罔既謹奉狀賀恩到任謝監司

右某言念叨奉恩除誤膺郡寄涓辰惟謹始視事以厲精冒庇云初竊撫躬而知幸茲焉依仰至矣情誠恭惟某官德量淵宏材規高遠副九重之東擢振二浙之風聲持節此方其盡光華之實旌能不日佺躋清近之班某尸職海瀕馳心節下未遂參承之願且通悃愾之勤傾向攸深敘陳罔既謹具狀謝謹狀

賀台州樓朝請

右某竊審涓辰已諧視事伏惟慶慰恭以知郡朝請材猷敏劭術學粹深視身固久於中庸莅政獨多於愷悌分符海角暫爲福於斯民趨節日邊佺迓恩於伊夕曾惟衰拙幸邇風聲念馳慶之未遑辱貺音之先及感慙彌甚敷諭奚周謹奉狀賀兼謝謹狀

錢塘韋先生文集卷第十三

疏狀

進賀

皇帝登寶位銀狀

銀一千兩

右伏以聖明踐祚方繼照於天區臣子守疆謹貢誠於方物前件銀地難愛寶山實效珍虔修任土之儀仰助充庭之末冒躋展旒臣無任瞻天望聖激切屏營之至謹錄上進以聞謹進

進奉

皇太后禮物

韋先生集卷十三

一

絹五百匹

右前件物屬修中度經緯有倫敬伸任土之儀仰備充庭之貢謹錄上進以聞謹進

進奉

皇太后禮物

絹五百匹

右前件物組織成功潔宇充幅敬修方物之貢虔奉宮闈之嚴謹錄上進以聞謹進

賀門下僕射韓相公

右某伏審宣制大廷登庸元宰千官敬聽皆悅而誠服之心四海亟傳有忻然相告之樂況埏鎔之舊物

倍簪紱之常情恭以某官間世鉅賢經邦大器學貫古今而行之以正智窮事物而決之以誠致主以唐虞之隆處躬於稷契之上弼亮久安於王室將明密契於宸衷陞應上台之躔總臨百揆之務勢鈞帝賚雅符說命之書善繼父功美協緇衣之永贊熙朝於九鼎之重措繇宇於一堂之安某營職偏州馳心崇屏望風抃躍雖在輿情之先展慶恭勤莫參旅進之末卑誠無任激切依歸之至謹具狀賀

賀中書僕射曾相公

右某伏審誕告宸廷進登相位協千官之敬聽聳四海之具瞻欣躍所同中外如一恭惟某官生稟間氣

韋先生集卷十三

二

出爲眞儒學際天人之微識窮事物之表輔翊王室久全柱石之功持總兵樞獨運著龜之智當太平之注意遂爰立以登庸上賴謀猷之嘉下斬膏澤之廣忠侔伊尹豈容專美於商志邁臯陶奚止賡歌於舜動寰區之鼓舞增廊廟之尊嚴某尸祿偏州馳心崇屏聞風抃喜雖在輿情之先展慶恭勤莫階旅進之末卑誠無任激切依歸之至謹具狀賀

賀樞密蔣正議

右某伏審光膺中詔進貳西樞熙帝載於一時具民瞻於四海眞儒當軸泰平之勢益隆輿論同辭誠服之情胥悅恭以某官間世異稟經邦鉅材學造聖賢

之微讖通今古之變演經綸而增華國體納謀猷而  
仰契天心爰倚弼諧之忠亟參機密之政文武斯憲  
未高申伯之能股肱惟良雅合咎繇之詠坐振國威  
之遠行消邊警之嚴某假守偏州馳誠崇屏聞風抃  
躍雖在羣情之先展慶恭勤莫階旅進之末卑誠無  
任激切依歸之至謹具狀賀

賀內翰曾侍讀

右某伏審拜命楓宸陞華翰苑碩德進而昌時愈盛  
大儒顯而熙朝益尊四方傳聞萬口胥慶恭以某官  
受材宏博造道淵深識洞古今之宜文參經緯之妙  
出爲藩屏而仁聲洋溢入掌絲綸而國命光華副南

章先生集卷十三

三

面之東求登北門之清近謀猷密啟雖欽內相之崇  
膏澤沛餘佇聽四鄰之陟某逃拘職守久遠門闈修  
慶謁以末由伸頌言而徒切卑情無任依歸之至謹  
具狀賀

賀提舉周大夫

右某伏審榮被宸恩美遷使節遺愛實多於異域按  
刑爰領於閩方愈益光華竊惟慶慰恭以某官器涵  
方格學造本原蚤膺遴選之明久播休聲之遠推行  
良法已深二浙之仁明慎盡心將厚入州之福某屬  
拘符竹徒望旌麾莫修慶謁之勤第極傾依之素謹  
奉狀賀

賀樞密安太尉

右某伏審光奉制恩崇顯樞府播傳四海欣躍一心  
蓋鉅賢任重則朝廷益尊輿望愜情則士民胥慶恭  
以某官生膺間氣出佐聖時蚤登廊廟而明若蒼龜  
力贊邦家而久爲柱石日如隙駟奪孝慕之深誠詔  
趣脂車副睿恩之佇見復持機密之政愈壯治安之  
基固有輝光聳具瞻於有衆尙多頌禱聽爰立之休  
聲某拘守州麾阻趨台屏奔馳展慶莫偕旅謁之勤  
拳跂致誠徒謹尺書之獻某卑情無任激切依歸之  
至謹具狀賀

賀范右丞

韋先生集卷十三

四

右某伏審拜命中宸陞華右轄眞賢大任贊至治而  
益隆羣口同辭聳具瞻而交慶恭以某官明誠造道  
德業映時傑然開世之資沛若經邦之術忠誼久陪  
於國論謀猷密契於上心亟奉都俞之音俄遷弼亮  
之地肅機進陟愈光四輔之榮總揆延登猶鬱輿情  
之望某守符海郡引領台階展慶奔馳莫繼簪紳之  
末望風喜躍第修竿牘之勤某卑情無任激切依歸  
之至謹具狀賀

謝運使程金部薦

右某竊審刻章過形論薦自慙衰晚曷稱推揚伏惟  
某官識度高深材猷宏遠按列城而率之以正察羣

吏而取之以公雖汲引之仁密啟不遺於舊物而承  
宣之末過情但愧於誤知感厚德以固多馳寸誠而  
罔究謹奉狀謝

謝發運胡龍圖薦

右某竊審剡章過蒙論薦自揣衰遲之迹曷當推引  
之私感焉則深愧亦不淺恭惟某官鉅材超卓厚德  
淵宏肩以人事君之心執盡忠報國之節不遺舊物  
尙垂採摭之情載玷公言仍重品題之賜借輝光於  
莫報第銘刻於孺衷仰荷賤知卑誠不任惓惓之至  
謹具狀謝

韋先生集卷十三

五

賀提舉孫朝請禮上

右某伏審光奉宸恩榮移使節涓擇穀旦按臨列城  
伏惟慶慰恭以某官材猷高邁術學淵深蚤膺朝寄  
之華久聳士林之望振提良法將安二浙之情洋溢  
休聲行達九重之聽某坐縻官守仰託德庥未緣伏  
謁於門闌姑用馳誠於竿牘謹奉狀賀

賀翟龍圖再知越州

右某伏審光膺明詔再鎮巨藩伏惟慶慰恭以某官  
秉心忠厚植操端方主上庠則學制益明坐南牀則  
臺綱尤正謁休聲於睢北久專留鑰之榮復舊治於  
浙東重睹甘棠之茂吏旰食宵衣慶旌戟增輝雖期仁政

之行必充眾欲第恐禁塗之召遽促西還某荷顧夙  
深託庥伊始未遑伏謁始用馳誠謹奉狀賀

賀知衢州陳朝請禮上

右某伏審涓辰已諧眠事伏惟慶慰恭以某官材猷  
敏劭器局宏深久飛譽於仕途蚤陞華於郡寄下車  
伊始已聆善政之傳趨節匪朝行聽優恩之被自惟  
假守幸邇餘輝顧馳慶之未遑愧覩音之先及感銘  
彌甚敷諭奚周謹奉狀賀兼謝

賀知越州張大夫

右某伏審光膺休命榮鎮巨藩竊惟慶慰恭以某官  
材猷高邁器業宏深蚤持使節之華久聳朝紳之望

韋先生集卷十三

六

頒條督府悉欽善政之初趨召嚴宸佇聽異恩之擢  
曾惟衰拙幸託庇庥通謁未緣馳情徒切謹奉狀賀

賀新提刑王司諫

右某伏審光膺詔檢榮領憲臺列城聞風羣口交慶  
恭以某官材猷高遠器業宏深聲華見慕於簪紳忠  
誼被知於旒展暫輟七人之列出奉使華來清二浙  
之刑亟爲民福某夙承禮遇茲幸德庥未緣展謁之  
勤第謹馳誠之獻謹奉狀賀

賀新發運黃大夫

右某伏審光膺詔檢總領漕權伏惟慶慰恭以某官  
器業博深材猷高遠聲采聳簪紳之望設施動旒展

之知暫倚弘謀顯東南之大計佇聞嚴召陞左右之  
近班某假守偏州遠繫餘庇莫緣展慶第切馳誠謹  
具狀賀

賀新運使齊少卿

右某伏審光膺詔檢榮領漕權伏惟慶慰恭以某官  
受材宏博植操端方聲華久聳於士林經畫累更於  
朝寄提綱太府施爲實亞於九卿出使列城患澤佇  
宣於二浙某拘攣假守傾仰高風方茲冒德之初未  
遂通名之敬姑馳誠款少代參承謹奉狀賀

賀新運使程金部

右某伏審光奉宸恩榮顯漕計伏惟慶慰恭以某官  
材猷敏劭器識淵通蚤膺遴選之光久著能名之美  
承宣巨屏方繫愷悌之施經畫一方暫假設施之妙  
某夙叨瞻顧幸遇按臨末由通謁於門闌姑用馳誠  
於竿牘謹奉狀賀

賀新知杭州呂太尉

右某伏審顯膺制命出鎮藩方百城吏民萬口歌頌  
恭惟某官元精異稟間世鉅賢學際天人之微術兼  
文武之勝以深智而著龜事物以至忠而柱石邦家  
當日秉鈞妙變調於元化累年分閫廣開斥於窮邊  
清衷念懇請之勤俞旨昇承宣之逸擁節旄於左右  
壯屏翰於東南何幸全吳盡起袴襦之詠唯憂飛詔

越還鼎彝之司某久遠台階僻顯海郡第知引脰遙  
想旌幢之光不獲望塵一修桑梓之敬某卑情無任  
激切依歸之至謹具狀賀

賀新知越州章相公

右某伏審顯膺制命出鎮藩方百城聞風萬日交頌  
恭惟某官濟時碩德命世鉅賢熙載猶稷契之功致  
主以唐虞之道學探聖微而充之以正勳著王室而  
守之以謙鈞軸七年已盡經綸之妙旌麾千里遂圖  
四海成厚幸於一方偃治方初下絕無襦之歎詔還  
不日上隆有袞之恩某久冒陶鎔復明旂庇仰承教  
約末由奔走於門闈敬致悃誠姑用勤劬於竿牘某  
卑情無任激切依歸之至謹具狀賀

回新及第石少府

右某伏審拜命楓宸策名桂籍竊惟慶慰恭以某官  
天資粹美儒學淵通蘊志操以自成獵榮華而俯拾  
未遑修慶先辱長牋感佩所深敷陳罔旣謹奉狀賀  
兼謝

謝提刑白朝散薦

右某竊審露章特蒙論薦自惟樸拙曷稱品題仰厚  
德之推揚倍卑悚之感忤恭惟某官秉心純正造道  
淵深按列城而力振典刑察羣吏而精分淑慝豈謂

承流之末誤膺密啟之知雖賢者居高必欲舉材而報國而陋儒揆已實慙借譽之過情阻伏門闈第修竿牘不勝懇到悽悽之至謹奉狀謝

賀陳漕

右某伏審光奉宸恩榮移使節伏惟慶慰恭以某官天材超卓賢履粹和早更省寺之華久聳簪紳之望政成二浙海濱方賴於深仁詔下九重河朔遽遷於要任佇聞優召行卽近班某託庇之初傾風彌切屬拘官守莫造實階喜愧兼深敘陳罔旣謹奉狀賀

賀上官正言

右某伏審光膺明命榮鎮巨藩竊惟慶慰恭以知府

韋先生集卷十二

九

正言受材宏博涉道精深忠嘉蚤著於諫垣澄察久勞於使節睿恩甚渥崇加專面之權仁政旣揚佇聽近班之召曾惟衰舊幸託庇庶未遂參承徒深頌祝謹奉狀賀

賀趙憲

右某伏審光膺宸命榮領憲臺涓擇剛辰按臨屬部伏惟慶慰恭以提刑水部材猷高邁器業宏深聲華久振於士林委寄蚤登於省戶暫煩使指宣惠澤於一方佇聽詔還荷寵光於三接某分符竊幸託庇云初未伸參候之勤姑致款誠之獻謹奉狀賀

賀冬

右某伏以剝往復來物心將泰陰消陽長賢履所宜  
恭惟某官植德端方秉心諒直茂擁時休之集佇迎  
天寵之來某屬守郡符阻趨賓次唯謹緘騰之貢聊  
伸祝頌之勤下情不任虔切之至謹具狀賀

又

右某伏以陽復黃宮灰飛子律物心將泰賢履所宜  
伏惟某官順對令辰茂膺純祉陰有神明之相佇迎  
寵祿之綏修慶謁以莫前致頌言而徒切謹奉狀賀

右某賀正

右某伏以三陽成泰萬物簇寅時春肇新賢履均福  
伏惟某官秉彝安正順序納休徂修慶以造前第頌

韋先生集卷十三

十

風而善頌懇誠彌切敷諭奚周謹奉狀賀

謝周提舉

右某竊審露章過蒙論薦自惟愚陋曷稱品題仰厚

下闕

其學而無所不備至士以再而再而再而再  
其學而無所不備至士以再而再而再而再  
其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

其學而無所不備至士以再而再而再而再

董先生集卷一三

十一

伏惟條教始頒福休並集恭以知府內翰諫議誠忱  
格物智變適時傑然高世之材富矣經邦之業正臺  
綱而貞邪判演宸綍而訓誥明厭直禁廬遂囊封之  
懇請宣風鄉梓方錦書之榮懽固知眷倚之深遽易  
蕃宣之要布中和於列壤寬疲瘵於一方總制全吳  
隱若長城之賴久虛前席佇聞當軸之歸某拘迹官  
規馳心德誨阻望門闈之峻第傳閭里之謠姑獻悃  
衷仰祈矜亮伏望上爲邦社精調寢興

提刑范學士移齊州

右某伏審詔從誠請麾易便邦列城之心馳戀如一  
恭以提刑學士學行自固德性素高奮迹賢科之雄

危言諫列之峻澄清訟獄久淹擁節之勞偃息蕃宣  
俄遂剝章之懇彼望風而何幸此懷慕以不勝政發  
休聲想弗踰於累月恩還重任當少慰於輿情某遽  
失依歸唯銘顧遇悵拘官之有守望行旆以無緣下  
情無任拳拳瞻戀之至

謝賀錢虞曹

右某伏審光膺宸命榮踐郎曹伏惟慶慰恭以某官  
器識疏通性資深厚更仕途而宣力藹朝著以飛聲  
貳政殊能美協承流之效陟明優典秩參應宿之榮  
某幸邇鄰輝日欽德望慚致誠而尙綏荷枉教之先  
貽懇款所潛敷陳罔旣謹奉狀賀

韋先生集卷十三

三

賀提刑林郎中

右某伏審光膺詔檢榮領憲臺列城聞風交口相慶  
恭以提刑郎中材猷宏遠術學精深誼滿朝紳望高  
國器蚤預宸衷之簡屢更使指之華淮甸一方茲幸  
澄清之惠霄歧萬里尙淹啟沃之謀某仰德素勤託  
蹤伊始走門闌而未迨貢誠款以先馳

賀元龍圖

右某伏審飛詔中天復班內閣一時公議萬口交忻  
恭以知府龍圖器業宏深材猷高遠累更繁劇之選  
久著事功之稱戒在不虞固有除戎之備疾生無妄  
果成勿藥之懼還故列之清華顯舊藩之鎮撫佇聽

休聲之遠卽爲大任之階某荷德素深傾風尤甚倍  
常情而抃喜悵營職以拘擥展慶莫前馳誠徒切

迎蔡內翰

右某伏審暫違禁掖出撫淮城千里聞風同辭相慶  
恭以知府內翰材謨高遠德業宏深夙膺旒纁之大  
知久作邦朝之重器承流魏觀剝天府之浩穰潤色  
鴻猷踐玉堂之清近尙緩鈞衡之拜俄從蕃翰之榮  
某仰誼積年託庥有日實倍吏民之喜願瞻旌旆之  
光伏祈順時炎涼爲國壽重

賀謝交代錢殿丞

右某伏審光膺宸命榮貳郡條將辱交承尤深慰抃

韋先生集卷十三

三

恭惟交代通判殿丞智謀通敏器識優長望聳仕途  
聲飛朝著外補尙淹於半刺驟遷行擢於全材某自  
顧拙疏幸親契好及瓜而代預喜於吉音解絃而調  
更繫於善繼方懇誠之欲貢遽緘翰之先貽愧感所  
多敘陳罔旣

轉屯田謝監司

右某伏蒙恩授前件官累日序遷公朝之必信非材  
冒進志士之所羞自惟拜命之初深積省躬之愧反  
思所及推致有由此蓋伏過某官盛德兼容深仁均  
暨遠俾迂疏之品坐逃瘵曠之愆遂忝陟明可非驚  
寵懼於虛受願充稱服之爲勉在益恭竊慕循牆之

戒庶幾補報仰答吹噓

賀鄰郡通判

右某伏審涓宸已諧視事託鄰庠而爲幸造門叨以未緣勤企風規第馳誠懇

賀鄧內翰復知制誥

右某伏審光膺詔檢載陟掖垣廓然輿情允矣公議恭以某官德名超卓術學闓深智窮事物而以正自持忠貫金石而以和外表久輟承明之直獨高維屏之功方國祀之均釐加宸衷之密睠絲綸復掌固榮舊物之還鈞軸在權位聞大任之召某夙叨願遇倍劇忻愉伏門叨以未緣馳音誠而徒愧

章先生集卷十三

十四

問候太原曾尙書

某言念自違德庇日企台光竊懷疏鄙之嫌難致情誠之黷伏惟靜鎮多暇純禱薦臻恭以某官材應昌辰生鍾閒氣發胷中之奇蘊收天下之休聲事功久贊於朝廷器業迴高於絳冕輝華入座方攄經濟之謀膏澤一方暫屈設施之術鈞軸行聞於迅召儀刑庶愜於輿言某蚤伏門闌尤深頌禱悵道途之且邈望旌戟以無緣伏祈上副倚毗精調寢味

謝成都許龍圖

右某比者叨奉宸俞誤膺使指歧輝光而甚邇圖謁伏而未緣方馳嚮仰之情遽拜誨音之辱恭以鈐轄

知府內翰材包經濟學極淵源高文首出於時英偉  
業久淹於法從出持旌節雖安遠俗之心入秉鈞衡  
始慰四方之望不日佇承於趨召惟時當遂於走迎  
下闕

韋先生集卷十三

稟天元精爲國重器識通古今之變學際聖賢之微  
廊廟謀猷竭誠有素朝廷注措宣力爲多暫開熙載  
之勞出就偃藩之佚颯然眾望覬鈞軸之蚤還蕞爾  
遠情向旌麾而增禱伏望上副眷倚精調寢興

謝益憲莊朝奉

右某比者叨奉宸恩誤膺使指揣薄材而非據涉遠  
道以徒勞夫何天幸之深獲邇鄰光之盛況眷存之  
有素在嚮往以無窮方圖馳懇以上塵敢謂貽書之  
先及悚若芒背泚然汗顏恭以某官德性弘深誠心  
純固涵養粹和之氣從容澄按之餘念舊物而不遺  
誘愚衷而加勉飛章論薦已銜昔日之恩詘禮見容  
更荷此時之賜伏謁既拘於營職瞻風第切於馳情  
伏望上爲廟朝精調寢饋

問候汝州韓大資

右某言念遠去台輝驚炎涼之忽忽仰銜德造增夙  
夕之拳拳雖嘗奏記以致勤返以躓尊而懷畏然鉅  
賢多可必將類察其依歸而淺士有誠不敢自嫌於  
僭逸伏惟鎮撫多暇福禧薦臻恭以判府大資學逮  
聖微識通時變柱石靈朝之體著龜大政之機合稷  
契之謀而不顯其忠推堯舜之澤而弗逮是恥暫休  
熙載之力出卽偃藩之安屏翰顧居固坐分於重寄

鈞衡早復庶下慰於具瞻某尸職遠疆馳心崇屏未  
遂奔趨之謁徒深頌祝之悰伏望上爲廟朝精調寢  
味

賀謝梓州路運使秦朝散

右某伏審光膺宸詔榮領使臺宣揚王休慰釋民望  
恭以運使朝散材猷高遠術學弘深累更委寄之勞  
久著聲華之盛再煩仗節出臨左蜀之雄卽聽封軺  
入踐清途之要顧惟衰迹幸邇高風在馳慶以未遑  
遽貺音之先及感慙彌甚敷敘奚周

回諸郡知州賀冬狀

右某伏以新陽去復物理將亨吉履所宜人情共喜

韋先生集卷十三

七

伏惟某官誠忱有相休祉薦臻在馳慶以未遑遽貺  
音之先及其爲感戢何以喻陳

回謝舉薦狀

右某比形公薦方愧言輕遽辱榮緘益慙意厚欽景  
謙沖之度第增悚感之情

賀冬成都提刑

右某伏以剝往復來物心將泰陰消陽長賢履所宜  
恭惟某官德業兼隆神明來相順迎令序倍擁純休  
攬轡澄清已遺一方之福拜恩優渥卽膺三節之招  
曾是愚衷第增善頌勤拳所積敷述奚殫

謝新興元知府蒲大夫

右某伏審光膺詔檢出領藩條千里傳聞同辭相慶  
伏惟某官材猷高遠器度博深嘗持節於此方率銜  
遺惠暫承流於盛府盡愜先聲在馳慶以尙稽遽貺  
音之首及感慚固甚敷諭奚周音音益甚

右某伏蒙勤厚特枉過儀不敢捧當輒違雅意感慚  
彌甚敷敘奚周音音益甚

右某伏審光膺宸命榮領使權竊惟慶慰伏以某官

材猷高邁術學精深早當遴柬之明久著能名之盛  
經畫數路茲暫屈於智謀超騰一時將大攄於器業

披風漸邇爲幸良多

韋先生集卷一三

十六

右某伏審光膺廷詔榮領郡符伏惟慶慰恭惟某官

材資通敏智識精彊茲承掄選之華暫展承宣之效  
尙未遑於馳慶遽先辱於貽緘悚慙所深敘陳奚旣

右某賀正成都提刑朝奉下音音益甚

右某伏以灰飛青律三陽成開泰之時杓建寅方萬  
物遂發生之志首人正而爲重在賢躬而益宜恭惟  
某官秉德粹和受材宏博履茲上日之慶翕若純休  
之來澄按彌年固盡百城之福進陞不日佗聞三接  
之恩屬官守之有拘造賓階而莫及第深祝頌曷罄

敷陳

謝諸州知通賀正

右某伏以三陽交泰萬物棣通在吉履以尤宜有純  
休之來相方圖馳慶遽沐惠緘愧感所懷敘陳曷旣  
謝鄰郡知通賀正

右某伏以三陽交泰庶彙棣通福履所宜時休來相  
伏惟某官茂膺令序坐擁繁禧在馳慶以未遑遽貽  
音之先及感慚彌甚指諭奚周

賀平章司空相公狀

右某伏審拜冊盛儀面槐正位總二日萬機之大加  
三公一命之崇增重朝廷之尊慰安海寓之望孰不

韋先生集卷十三

七

敬聽泰然均懽恭以平章司空相公道協聖徽德爲  
世表著龜百揆柱石四朝贊主上於三代之隆措天  
下如一堂之樂慶傳渭水素號帝王之師美軼緇衣  
獨高父子之繼昇優游於坐論倍烜赫於具瞻九重  
之禮命播宣列辟之情誠悅服某尸官遠鄙引領上  
台相與頌言心雖先於民吏恭修慶謁迹阻厠於簪  
紳卑情無任抃躍依歸之至

賀僕射門下相公

右某伏審誕告宸廷進登相位于官敬聽皆悅而誠  
服之心四海亟傳有忻然相告之樂恭以某官生稟  
間氣出爲眞儒極高明而履中庸可久大而充德業

弼亮久安於王室將明密契於天心陞應上台之躔  
總臨百揆之務忠符姬旦助揚文武之休志邁阿衡  
推廣勳華之澤爰立一騰於綸綍具瞻載聳於簪紳  
廊廟賡歌正協明良之詠寰區鼓舞卽期仁壽之躋  
某尸祿遠方馳誠崇屏聞風抃躍雖在輿情之先展  
慶恭勤莫參旅進之末卑悰無任激切依歸之至

賀門下侍郎狀

右某伏審光膺制命進貳台衡熙帝載於一時具民  
瞻於四海眞賢當軸泰平之勢益隆輿論同辭誠服  
之情胥悅恭以門下侍郎問世異稟經邦鉅材智侔  
著龜誠動金石居股肱之要而久安國體納謀猷之

章先生集卷十三

二

嘉而密契宸衷自天監周正類仲山之迹致君爲舜  
雅同伊尹之心入踐西臺之崇增華四輔之重綸綍  
遽播朝廷愈尊百辟忻然盡仰國鈞之秉庶毗安若  
卽期壽域之躋某尸祿遠方馳精崇屏聞風抃躍雖  
在羣情之先展慶恭勤莫參旅進之末卑悰無任激  
切依歸之至

賀尙書左丞狀

右某伏審光膺制命進貳台衡熙帝載於一時具民  
瞻於四海眞賢當軸泰平之勢益隆輿論同辭誠服  
之情胥悅恭以尙書左丞問世異稟經邦鉅材智侔  
著龜誠動金石總風憲之嚴而久裨國體納謀猷之

嘉而密契宸衷自天監周正類仲山之迹致君爲舜  
雅同伊尹之心入陞右轄之崇增華四輔之重綸綍  
遽播朝廷愈尊百辟忻然盡仰國鈞之秉庶毗安若  
卽期壽域之躋某尸祿遠方馳精崇屏聞風抃躍雖  
在羣情之先展慶恭勤莫參旅進之末卑悰無任激  
切依歸之至

回蒲大夫

右某伏審涓辰已諧視事振師帥承宣之始慰士民  
瞻望之情圖馳慶以未邊沐貽緘之先及感慙固甚  
敷諭奚周

回運判來承議

查先生集卷十二

五

右某伏審光膺詔檢榮領使權幸聯職以相依辱貺  
音之先及喜兼愧至感與慰并伏以某官術學淵深  
材猷弘遠蚤登桂籍之貴遽陟霜臺之嚴外府度財  
久藉贊裨之力遠方將漕暫勞經畫之明念親誼以  
非遙在馳情而固切更祈保嗇以副傾瞻

賀中丞李龍圖狀

右某伏審恩卻固辭榮遷獨坐眞賢司憲列職畏威  
四方傳聞羣口交慶恭以某官生稟間異出符盛明  
道德表於一時術學窮於萬變九儀贊治曩分宗伯  
之權八座聯榮久總地官之屬經畫已豐於邦計謀  
猷素協於宸衷寵加龍閣之名貴陟烏臺之長雖繩

愆糾繆又新朝野之風而當軸秉鈞猶鬱簪紳之望  
某縻軀遠部引領高閣謀慶謁以莫前馳誠情而徒  
極卑情無任激切歸之至

賀冬成都莊提刑

右某伏以一陽旋復庶彙葶萌在天時之布新宜賢  
履之綏福恭惟某官誠心沖厚德性純明對令序以  
順居擁繁禧而翕受百城蒙惠難淹翔步之雄三節  
召歸仁聽攄才之遠曾維頌禱曷罄書言謹奉狀賀

回交代陳朝散

右某伏審光膺宸命榮領漕權自慙淺陋之資乃忝  
交承之契喜愧相半情誠曷勝伏惟交代運判朝散  
術學精深材猷弘遠能名已簡於當仁重寄遽移於  
便鄉做政在前固賴更張之善輿情所悅况多被治  
之先在馳悃之未通俄惠音之已及併增感悞莫罄  
敘陳

回梓漕并金部

右某伏審遠持使節榮領漕權兼行入疆涓吉視事  
伏惟慶慰恭以某官材猷高遠器業閎深蚤副柬求  
之精累更要劇之選西垣清近尙淹步武之華東蜀  
閒關暫屈轉輸之督曾惟衰迹幸邇餘光在馳慶以  
未遑俄祝音之先及感慙彌甚敷諭奚周

謝齊卿舉召還臺省

右某竊審剡章過形論薦自惟衰拙曷稱推褒益知  
冒德之深但有泚顏之愧恭惟運使少卿至誠接物  
直道佐時列卿蚤振於朝光外府久禎於邦計緩中  
禁論思之拜領東吳將漕之權豈惟飛輓以助公尤  
欲搜揚而報國不圖密啟誤及匪材如某者陸陸勤  
蹤區區假守無良能以聳於眾望無異政以踵於古  
人徒依厚庇之餘遂及終更之去復叨借寵殊愧過  
情仰荷仁言賁飾曲加於朽質永懷晚節鏤銘第切  
於愚衷無任感激惓惓之至謹奉狀謝

賀梓路提刑李朝請

右某伏審光奉宸恩榮持使節涓吉日以視事按詳

韋先生集卷十二

三

刑而恤民方幸瞻依實多慶抃恭惟某官受材端正  
造道淵通蚤膺柬拔之明累踐要繁之任尙淹翔步  
未登兩禁之嚴暫屈盡心以厚一方之福未遑展謁  
第切傾風更冀葆頤以符頌禱

謝運判奉議

右某叨奉綸言誤參漕計已涓辰而視事幸聯職以  
依仁恭以某官器業淵宏材猷高邁蚤致身於臚仕  
暫持節於遠方積粟阜財一歸於善畫寬民束吏久  
著於休聲佇膺不次之恩少愜至公之論某束裝兼  
道不日趨風方圖馳懇之勤遽辱飛文之貺感慙彌

甚敷諭奚周

謝提刑朝議啟

右某叨奉恩綸誤參漕計視事剛辰之吉竊輝華使之餘恭以某官植操端方秉心冲厚以學術濟通識以德量持高材遠方嘗賴於宣風要部復繫於剗劇此時閩粵暫煩攬轡之清不日朝廷卽有封軺之召某依仁茲始通謁未繇方馳懇欵之勤遽辱緘題之貺其爲感忤曷罄指陳

右某謝泉州知州陳大夫

右某叨奉恩綸誤參漕計涓辰視事猶在於兼行走介枉書遽承於厚意伏以某官學窮道奧識照幾先久播休聲蚤膺遴選榮持使節已豐湖外之財遠剖州符暫撫泉南之俗尙稽通謁第切傾風更冀保調以符瞻祝

右某謝諸州知通

右某誤膺宸命叨貳漕權雖瞻覲之尙賒在誠情而預慰伏惟某官忱恂固守謙厚自持先形誨牘之勤如挹風規之茂感慙彌甚敷諭奚周謹奉狀謝謹狀

右某叨奉恩綸誤參漕計方涓吉以視事遽飛文而惠音竊服勤誠但增厚愧謹奉狀謝

右某回福州林中散

右某叨奉綸恩誤參漕計涓辰視事方獲息肩走介

枉書遽承厚意伏以某官學窮道奧識照幾先蚤膺  
東擢之榮久著能名之盛翱翔省寺旣藹於風猷偃  
息藩宣尤高於治最佇聞三節之召以慰眾言之公  
更祝保調以需寵渥謹奉狀陳謝謹狀

賀判太原府觀文范相公

右某伏審光奉詔音榮顯方面凡繫陶冶舉切拊驩  
敬惟鎮撫之初允協神明之相恭以判府觀文相公  
生稟間氣出爲真儒柱石乎寧朝之基著龜乎大政  
之要正論遠參於古訓嘉猷密契於宸衷百揆告勞  
暫輟鈞衡之任列城有賴獨高屏翰之功威懷雖冒  
於一方瞻頌固均於四海願聽上台之復庶安輿議

韋先生集卷十三

五

之公某營職遠疆馳誠大旆望塵通謁莫偕旅進之  
恭仰德致勤徒謹尺書之獻伏望上副眷倚精調寢  
興某卑情無任激切依歸之至謹具狀上賀兼問鈞  
候謹狀

回福州林中散得替

右某伏審解印還朝擁麾過里方欲馳誠而敘慶遽  
蒙枉翰以遺音欣承跋履之餘克協福休之萃恭以  
某官材猷高邁器業宏深蚤膺旒展之知累更省寺  
之要偃藩稱治方受代以言旋趨節戒行卽拜恩於  
不次更祈上爲邦社精調寢興謹奉狀陳賀兼謝

回福州柯司封禮上

右某伏審光膺明命榮典巨邦適諧涓吉之宜已謹  
頒條之始恭以某官材猷超越器局闕通藹聞望於  
周行久踐揚於華省壽春宣化旣全政術之優長樂  
偃藩更益兵鈐之重方欲馳誠而展慶遽承枉翰以  
貺音愧荷所深敷陳罔究謹奉狀陳賀兼謝

賀提刑祖郎中

右某伏審光膺詔檢榮領憲權伏惟慶慰恭以某官  
智機明穎德量寬宏蚤膺振拔之公久著風猷之盛  
仰參列宿未還華省之聯出按八州尙屈詳刑之察  
雖莫平於輿論已深慰於遠民曾是匪材間賸高誼  
營職幸同於一道指期將借於餘光更冀保調以符

頌禱謹奉狀賀謹狀

章先生集卷十三

三

賀淮西提刑錢朝議

右某伏審光奉宸恩榮移使節伏惟慶慰恭以提刑  
朝議秉心純正履道坦夷藹聞望於簪紳膺選掄於  
展立政成閩部已收撫察之功恩易淮西更賴澄清  
之術方依仁而爲幸遽去德以勤懷喜悵兼深敷陳  
罔旣

賀新運判李朝請

右某伏審光膺詔檢榮貳漕權竊惟慶慰伏以某官  
秉心冲厚植操端平蚤膺遴選之精久藹休聲之盛  
剖符泗水方繫剗割之明馳傳闔方遽委轉輸之任

下

惟具想主贊外矣

用申慶謁之儀徒極頌瞻之喜卑情無任欽抃知歸

韋先生集卷十三

三

阻伸慶謁之儀徒極頌瞻之喜卑情無任欽抃知歸  
之至謹具狀上賀謹狀

賀新運判王朝請

右某伏審光膺壽命榮領漕權入州聞風羣口相慶  
恭以某官材猷弘遠術學精深蚤當遴選之優久著  
能名之盛偃藩凝績尙稽三節之招攬轡宣風暫屈  
七閩之寄某自惟衰迹偶此尸官竊忻受代之有期  
何幸高賢之爲繼喜尤先眾言豈宣心未卽晤瞻更  
祈保衛謹奉狀賀

焚黃齋僧疏右語

右伏以德茂平生久超極樂之界慶流後嗣並享累  
封之光緣焚告於先塋用伸虔於寶刹爰憑淨侶妙  
結勝因教育鉅恩固無可報之理薦嚴精意聊贊追  
築之資敬惟大慈證明表宣謹疏

韋先生集卷十三

三

錢唐韋先生文集卷第十四

疏狀

賀杭州林待制

右某伏審光膺明命榮殿巨邦敬惟鎮撫之餘坐擁  
福休之萃恭以知府待制器涵方格學造本原遠存  
久大之資優踐中庸之域陞華內閣將攄經濟之才  
移治名藩暫假寬平之政迅召顧稽於三節疲毗庶  
起於一方某違德踰年縻軀遠部每馳情於棊梓第  
引領於台麾慶謁莫前頌瞻徒極伏望上爲廟社精  
調寢興卑情無任激切之至謹具狀起居兼賀謹狀

代陳學士賀文潞公加兩鎮節鉞太師致仕狀

韋先生集卷十四

一

伏審光奉冊書仰還政事加上公之袞絳備兩鎮之  
節旄極大臣報國之能盡明主優賢之禮四方交慶  
萬舌同辭恭以某官夙稟元精蚤膺大任德高輔弼  
聲懾羌夷進善去邪聳儀刑於百辟出將入相竭忠  
瘁於三朝露章堅懇於引年拜命尤榮於佚老燁燁  
平功名冠世嶢嶢然寵數深前道雖協於伯陽勇於  
身退望仍齊於師尹壯爾民瞻某素冒鈞陶深增林  
躍向恩闕而勤頌託音驛以馳誠伏望順時節宣副  
上眷倚

謝李太尉授節鉞謝啟狀

伏審光膺制命榮授節旄伏惟慶慰恭以某官性資

冲厚器業宏深行學不回養心有術繇親賢而當選  
尙素富貴而守謙虛優游方冊之間澹泊軒裳之際  
歷歲華而彌劬動天眷以愈隆重鎮推衰渙若宸恩  
之異廣廷布告猶然士論之歸某瞻德積勤望風馳  
喜造門闌而展慶方念拘文拜緘翰之遜言敢期辱  
賜悻慙已甚敷敘奚殫

謝國學秋貢高等行啟

竊審較藝秋闈薦名禮部方坐馳於同喜忽面辱於  
長箋恭惟先輩材美而充學優而勵取先多士固已  
驚於一鳴決勝危科更願觀於三捷感懌之甚敘陳  
曷周

韋先生集卷十四

二

尙書省奉

旨召試

入高麗界回遠迎狀

恭承明命遠撫遐陬敢謂馳驅之勞特煩候迓之禮  
良深所感始報以言

謝高麗國王送遺狀

特損緘題曲垂惠贐文犀飾帶知遠物之可珍寶匣  
將儀見深誠之相契勉受勤渠之意益增感忭之情

回國王敘別狀

茲緣將命屢獲披風宣無外之君恩有加軫恤盡同  
寅之臣禮足見忠勤方告別以言旋遽貽書之見及

既慙厚意更祝善調

與撫守石大夫狀

言念聆廣譽以欽風坐馳惟舊造崇閣而請見伏謁  
未緣仰惟鎮治多餘福休來相恭以某官性資方厚  
術學精深智遠照微材高應變一麾劇固游刃而  
有餘三節召還佇陟明於不次伏祈爲國自壽副人  
所瞻

謝監司狀

比者恩綸從請符竹叨榮方祇命以就途遽涓辰而  
視事幸親高庇殊愜深悰伏以某官器識淵宏材猷  
超遠出領外臺之寄上分旰食之憂總治有方均被

韋先生集卷十四

三

列城之福陟明伊邇佇聞三節之招圖修謁以未緣  
第欽風而彌極伏祈爲國自壽副人所瞻

謝轉司農上提轉狀

代陳心卿

卿官立貳居者固難其才帝澤優賢得之尤足以貴  
俯伏拜命驚惶失圖何則朝廷清明國家閒暇正臣  
當軸端士告猷臺閣聚精神軒墀多謇諤爵祿之器  
安有假人車服以庸未嘗濫賞或越等倫而擢其事  
業或累歲月而不及顯高灼然黜陟之行甚若丹青  
之著僥求者罪所以激貪夫恬守者榮所以嘉清節  
盡出至公之道復還治古之風在冠冕之班班宜忠  
良之一一而某衰遲晚節僂俛外藩分符積年劇劇

無效昨代歸於泗水因得請於光山腹背之毛分不  
增於遠翻口耳之學聊自養於微軀咫尺鄉閭優游  
物局作疏閒之身計期終畢於天年豈謂聖睠尚回  
周行引重不使廢去未諧私謀旅領職於富川仍遷  
曹於右棘而況司農繫乎重寄歷代謂之大官竊省  
匪能曷臻斯地此蓋某官借名特甚推庇殊深天幸  
雖至而不敢自盈官責愈高而第知加懼戒存肺腑  
何必循牆事極慮思願忘閉閣仰答生成之賜俯全  
按舉之威懇欵所潛指陳奚究

代馮潛學士裕亨乞恩例狀

右某伏以親裕太室盛典曠而復修均恩四方服官

韋先生集卷十四

四

優者尤幸雖遠駿奔之列亦蒙寵渥之霑協於賞延  
得以親舉臣有男某長無他技業素學儒念其邁於  
明時不敢使之自廢倘被乾坤之賜庶幾弓冶之傳  
某男某乞於文資內安排干冒聖威臣無任瞻天俟  
命激切屏營之至謹具奏乞以聞伏候敕旨

答梓路提舉王朝散

右某引領高風因久欽於時譽息肩遠鄙幸竊冒於  
鄰光念馳歛之未遑愧貺音之先及伏惟提舉朝散  
材猷敏劭器識宏通列城雖賴於深仁三節佇聞於  
迅召更祈珍嗇以慰傾誠謹奉啟起居兼謝不宣

問候成都王寶文侍郎

右某言念自違庇冒日企輝光旋叨被於誤恩復載  
驅於遠部旌麾甚邇悵通謁以末由音驛可修愧馳  
誠之尙緩伏惟鎮撫餘裕福休倍臻恭以某官造道  
粹深秉心方正諫垣清近夙罄謀猷計省浩繁比勞  
經畫俄輟中臺之重寄暫臨西蜀之雄藩德政融融  
莫匪去思之本民聲壘壘猶多來暮之嗟行俟詔音  
之傳卽聞柄任之召伏望上副眷倚精調履興卑情  
無任懇禱之至謹具狀起居謹狀

謝瀘南畢撫旬

右某比者銜命之官涓辰視事方竊依於鄰庇尙稽  
致於郵書先承翰墨之華愈重情誠之愧伏惟某官

章先生集卷十四

五

受材通敏執節端平久參使幕之雄行迓廷恩之渥  
佇期還馭卽欵高標更乞珍頤以符善禱謹奉狀謝

賀許左丞

右某伏審光奉絲綸復登輔弼播傳四海驩躍一心  
蓋鉅賢進則朝廷益尊輿望塞則士民胥慶況在堯  
鎔之舊固深鼓舞之情恭以尙書左丞稟天元精爲  
國重器文章魁傑於當世德業輝華於盛時曩日廟  
堂端謀謨而不撓累年區宇望膏澤之載加果符倚  
注之深還陟贊襄之任輿載力毗於大政秉鈞增茂  
於前休沛然爰立之音佇聞於朝夕願若具瞻之眾  
始慰於邇遐某尸職巴陲馳精台屏無緣趨走敬參

旅謁之勤姑獻悃衷少敘輿情之賀某卑情無任欣  
抃依歸之至謹具狀上賀謹狀

賀蔡右丞

右某伏審光膺綸綍進秉鈞衡四方聞風羣口交慶  
蓋眞賢用則膏澤遠大任重則朝廷尊凡預甄銘之  
閒舉增驪躍之甚恭以尙書右丞氣鍾閒異德邁明  
誠學造聖心之微政通儒術之要出爲藩屏固久著  
於治功入贊謀猷迺益高於眾望果膺眷倚之重遂  
陟疑丞之隆卽聽奮庸究極致堯之效佇欽注意播  
傳命說之音某尸職遠疆馳精崇屏末由趨走一參  
旅謁之傳姑獻悃衷少致輿情之賀某卑誠無任欣  
懌依歸之至謹具狀賀謹狀

章先生集卷十四

六

賀蔡內翰

右某伏審拜命中宸陞華內相大儒陟用謀猷當密  
贊之初舉世傳聞抃躍有同辭之慶恭以待讀內翰  
爲時閒出履道中行材高應變之機學至逢原之妙  
巨藩累鎮宣王化於無窮八座榮躋阜邦財於不擾  
登北門之清近副南面之東求潤色訓辭雖極文章  
之選沛餘膏澤尙淹經濟之資某迷在遠官莫借旅  
慶卽聽奮庸之任更勤仰頌之誠卑情無任激切之  
至謹具狀上賀謹狀

賀正旦

右某伏以寅杓始建春律初回人統得天心之中陽  
長爲君子之慶伏惟某官誠忱篤厚踐履端平茂膺  
令序之和并集繁禧之粹屬拘官守遯遠風規通慶  
謁以未緣在瞻祈而徒切西

問候成都樞密

右某言念自違鈞庇日企台光悵久遠於門闌愧缺  
修於竿牘仰惟鎮撫之暇翕受福休之繁恭以判府  
端明樞密稟天元精爲國重器機密厭坐籌之久藩  
宣分顚面之權雲關九重應佇謀猷之告坤維巨屏  
尙繫威愛之明行聞趨節之光還陟秉鈞之任庶平  
輿議以愜一時某跡限疆封心搖旌戟踧踖未諧於  
參造勤拳徒劇於頌瞻伏望上爲廟朝精調寢饋某  
卑情無任虔切之至謹具狀起居謹狀

賀中書許侍郎

右某伏審光膺制命進貳台衡熙帝載於一時具民  
瞻於四海眞賢當軸增重明昌之期輿論同辭相爲  
欣躍之慶恭以某官氣鍾閒異道極高明柱石中朝  
之隆著龜大政之要弼亮久安於邦體謀猷密契於  
宸衷仰膺南面之咨俞顯陟西臺之崇峻國鈞重秉  
愈深膏澤之施揆序尙虛猶鬱搢紳之望某尸官巴  
裔引領台階喜抃傾風與羣情而竊倍奔馳展慶繼  
旅謁以末由某卑誠無任欣懌依歸之至

賀曾樞密太尉

右某伏審光膺制恩崇顯樞府播傳四方欣躍一心  
蓋鉅賢任重則朝廷益尊輿望愜心則士民胥慶恭  
以某官天元異稟道妙資深燭理有著龜之明安邦  
如柱石之固籌畫折衝於萬里謀猷入告於九重顯  
奉咨俞之音總持機密之政聳具瞻之有眾雖極邇  
遐聽爰立之休聲尙勤朝夕某尸官巴裔引領台階  
喜抃傾風固倍羣情之劇奔馳展慶莫參旅謁之勤  
某卑誠無任忻懌依歸之至

賀蔡左丞

右某伏審拜命中宸陞華左轄真儒大任贊至治而

童先生集卷十四

八

益隆羣口同辭聳具瞻而交慶恭以某官高文貫道  
盛德映時傑然閒世之資沛若經邦之術弼亮久熙  
於帝載謀猷密契於上心荷眷注以彌深奉恩俞而  
尤篤肅機進陟愈光四輔之榮總揆延登猶鬱輿情  
之望某尸官巴裔引領台階展慶勤拳難追蹤於旅  
謁望風喜躍徒馳敬於尺書某卑情無任忻懌依歸  
之至

賀黃右丞

右某伏審拜命中宸陞華右轄大儒任重助至治而  
益隆羣口同辭聳具瞻而交慶恭以某官謀謨純正  
德業輝光道探本原誠貫金石勸講久參於經幄糾

繩屢振於臺綱銓綜官師方表儀於八座進登丞弼  
爰期贊於萬機當清衷眷注之隆慰舉世傾祈之素  
某尸官巴徼引領台階展慶奔趨莫廁簪紳之末望  
風抃喜第馳竿牘之勤某卑情無任激切依歸之至

回新渝守王學士

右某伏審光膺宸命榮剖郡符念瞻晤之有期在情  
誠而竊幸恭以知郡學士文華貫道器業映時輟蓬  
瀛著撰之功分巴蜀承宣之寄鬱然盛暑想叱馭於  
險途颯爾清風傳擁麾於近境尙未遑於修詞俄先  
辱於貺音感憚所深敷陳罔既謹奉狀起居兼謝

賀成都鄭右丞資政

章先生集卷十四

九

右某伏審光膺明詔移鎮鉅邦百城聞風羣口交慶  
仰惟撫馭之始翕受福休之繁恭以判府資政右丞  
生稟天元學窮聖奧中臺秉政右轄增輝方成熙載  
之功俄遂偃藩之請北都解印旄倪一意於去思西  
蜀建牙途路其歌於來暮宣化承流而分憂宵旰寬  
民急吏而助治明昌德惠遽霑維慰一方之望鈞衡  
後任已勤四海之祈某違遠台光拘擯巴裔末由進  
謁敬瞻旌戟之華姑用馳誠聊致賤函之慶伏望上  
副睠倚精調寢興某卑情無任激切依歸之至謹具  
狀起居兼賀謹狀

賀蔣內翰

右某伏審拜命楓宸陞華翰苑碩德進而昌時愈盛大儒顯而熙朝益尊莫非胥慶以同辭況在冒恩之舊物恭以內翰太中材高應變學粹逢原仁誼充於胥中聲聞溢於天下出顛帥闔美戎重足而畏威入治王畿姦盜革心而遠罪伸矣壯行之志偉哉中立之賢副南面之東求登北門之清近謀猷密啟雖欽丙相之榮膏澤沛餘猶扣四鄰之任某尸官巴峽引領門闌修慶謁以末由第頌瞻而尤切佇聆當軸之拜少慰薦紳之情某卑誠無任欣抃依歸之至

謝夔守王大夫到任啟事

右某伏審精擇剛辰榮臨要郡竊惟慶慰恭以知府

宣先生集卷十四

十

大夫受材宏博洩政敏明仕途久播其佳聲朝寄雅當於遴選緬想承宣之始已愜民心伫聞謳詠之傳必嗟來暮未遑馳喜先辱貽書載欽辭意之勤彌切感慙之素謹奉狀賀兼謝

賀彭尚書啟

右某伏審遠抗牙旌榮臨江國涓辰協吉視事謹初千里鈞情一時胥悅恭以知府尚書待制降材高邁造道粹深文章冠天下之英注錯發胥中之蘊被九重之眷遇聳八座之光儀天允懇祈暫偃藩於鄉部世欽德業覬廣澤於廟堂誓是愚衷尤深善頌莫從旅慶之末姑獻尺書之勤伏望上爲邦朝精調寢饋

某卑情無任激切之至謹具狀起居兼賀謹狀

延評謝授官

右某啟伏蒙聖恩授前件官仰冒寵靈就安里落皆自吹噓之力載華衰朽之蹤感愧所深指名奚究

皇朝乾元節啟建疏

右伏以薰風應律熙然萬寶之心祥電繞樞盛矣一

人之慶幸逢誕聖之日率罄瞻天之誠恭惟

體天法道欽文聰武聖神孝德皇帝陛下明配照臨

德參覆燾膺一千之景運邁三五之休規未嘗自安

荷宗祖承平之業所以致治得生靈愛戴之情鈞惟

遠方樂此華旦效葵藿之傾嚮託謳歌而發揚宸展

章先生集卷十四

十一

光華願齊於北極帝躬久固祈比於南山復飭緇黃預精焚誦蕩蕩之恩莫報悽悽之懇徒深臣無任望闕祝聖屏營之至

興龍節開啟文

右臣伏以光華盛旦式欽誕聖之期宣演祕文仰祝

齊天之算恭惟

皇帝陛下膺圖有大御極繼明光紹祖宗之基遠隆

堯舜之治祥推繞斗應休運於千齡節慶興龍起驩

心於率土藉眞詮之至妙讚萬壽之無疆今者某官

內罄虔誠躬臨法會敷揚梵典已憑釋眾之勤懇叩

佛慈更效華封之祝

賀林樞密

右某伏審光膺中詔榮陟西樞朝進眞儒助太平於四海  
居高位交慶悅於一時恭以某官開世鉅材元  
稟學造聖賢之妙智窮事物之幾銓量士類而八座推先  
濶色王言而三長兼善德業夙高於眾望謀猷久協於上心  
果奉疇咨之音進登機密之任公忠許國贊成熙載之功膏澤  
下民行慰具瞻之眾某尸官巴裔引領台階展慶奔馳莫繼簪紳  
之末嚮風抃喜姑修竿牘之勤某卑情無任激切依歸之至  
賀祖提刑禮上

蓋先生集卷十

三

右某伏審涓擇剛辰枚臨劇部幸餘輝之將及卜清  
晤以非遙復此馳誠以前展慶勤渠所致敷諭奚周  
謹奉狀賀謹狀

賀運判李朝請禮上

右某伏審涓辰已諧視事幸於聯職尤切懽悃緬惟  
衝冒之餘駢集起居之福卽期候迓併敘欵誠更冀  
保調以符跂祝謹奉狀賀

回王學士以生日寄示壽星壽香

右伏蒙尊慈以某生日特貺星香祇認勤誠固深愧  
荷伏思厚禮難以捧當謹奉狀回納兼謝伏惟照察

賀正

右某伏以萬物棣通化工方盛三陽交泰賢履所宜

伏惟某官養德沖和秉心端正茲茂迎於令序當倍  
擁於純休佇聞寵陟之光行副瞻祈之切無緣慶謁  
徒劇情誠謹奉狀賀

謝權梁山王朝奉書

伏審涓辰已諧視事辱長牋之見及荷勤意以彌多  
恭以知郡朝奉術學深材猷兼茂臨事肯違於中  
道長民必愜於輿情佇聆惠政之傳以慰鄙懷之俟  
尚遙覲晤更祝保調謹奉狀謝

謝賀王安撫轉遙刺再任

右某伏審光膺宸命重綰使權顯矣遙麾之榮優哉  
連任之寄愧馳誠之尚緩何貽翰之特先伏惟安撫

章先生集卷十四

三

鈞轄作坊材器素高聲華夙振投筆蚤當於遴選擁  
旌靜鎮於遐方俄治譽之謁聞致恩輝之被及輕裘  
緩帶風威頗類於祭軍增秩賜金寵異果符於漢表  
未緣謁慶但切忻愉謹奉狀陳賀兼謝謹狀

謝新知全州王左藏

右某伏審光膺宸命榮綰郡章伏惟慶慰竊以知郡  
左藏學通儒術智達兵機久據將領之能果陟承宣  
之任方圖馳慶先辱枉書欣感尤深指陳莫究

賀王運判

伏審涓辰已諧視事竊惟慶慰某官材猷高邁術學  
淵通譽藹周行進膺妙選暫臨遠服方擁節以宣風

佇見列城率鈞權而蒙惠顧惟衰晚同此按廉維謁  
晤之未能在傾馳而彌甚謹先奉狀賀謹狀

回答高麗人使書狀

第一番奉  
慰人使

伏審遠持使節安乘滄海之舟來奉國憂追仰鼎湖  
之駕方遂披風之便遽承枉教之勤感忤所深敘陳  
莫既謹奉狀攀迎兼謝

答副使

伏審安若乘槎適在中秋之候勤先同軌敬趨七月  
之期佇弭節以暫休蒙枉書之首及第深愧荷無以  
諭言謹奉狀攀迎兼謝

韋先生集卷十四

十四

答正使謝大排

比者設席肆筵幸使華之辰止飛觴授爵愧主禮之  
闕然珍題更荷於不遺媿汗固深於有泚謹奉狀謝

答副使

伏承特迂使馭來屈公堂方慙治具之疏更辱飛文  
之厚感并於愧言曷究情謹奉狀謝

答正使謝正使送土物

比者授館云初披風旣幸雲牋飛翰繼沐於温言土  
物將誠更蒙於多品爾懷厚意祇益覲顏謹奉狀謝

答副使

比者既遂郊迎挹清風而竊幸遽貽篚實嘉遠物之

可珍載惟情禮之隆第有感銘之切謹奉狀謝

答正使賀九月旦

伏以降霜及物仰化育之成功合朔在天敬光華之  
順序伏惟奉慰尙書中和有守業履素高對令節以  
納休養清心而安正方脩詞候之禮遽沐緘勝之貽  
感愧無窮敷紓罔旣謹奉狀賀兼謝

答副使

伏以節屆授衣在起居之順履禮隆改朔宜詞問之  
交修伏惟奉慰侍郎局度端平材猷敏効對此良辰  
之盛擁大純祉之休未遑馳誠先辱枉翰感銘滋甚  
敘述奚禪謹奉狀賀兼謝

韋先生集卷十四

一五

答正使先狀

第二番賀登寶位人使

伏以太明繼昭生靈鈎鼓舞之情遠域嚮風玉帛謹  
梯航之獻遽聞使節首遠郡疆沐華翰之先貽在深  
誠而竊愧謹奉狀攀迎兼謝

答副使

伏以寶位嗣興率慶昌辰之盛樓航善濟殊勤遠使  
之來方圖授館以少休遽辱貽書之先及其爲欣感  
曷罄敷陳謹奉狀攀迎兼謝

答正使謝大排

伏承特枉使華肯臨公燕念酒餽之不腆方竊厚顏  
沐翰墨之甚勤難當盛意愈深感忤作曷究敘陳謹奉

狀謝

答副使

比者載飭肆筵特蒙枉馭公堂酌醴謾勤獻酢之儀  
賓館濡毫更辱緘題之貺唯其敘感何以措辭謹奉  
狀謝

謝正使送土物

伏以郊迎既展幸際覲於清標方物遽貽獨愧慙於  
厚禮情唯重感言莫能周謹奉狀謝

謝副使

伏承特損華緘曲垂美貺禮將誠而兼重物自遠而  
愈珍愧荷良多紆陳奚究謹奉狀謝

章先生集卷十四

六

答正使賀九月旦

伏以金行晚節方物理之告成月吉佳辰在人情而  
重始伏惟朝賀尚書秉義正履持節出疆茲逢氣序  
之良宜擁福休之集方圖脩詞遠辱貺音感激所深  
指陳難盡謹奉狀賀兼謝

答副使

伏以秋時云暮月朏欲生蕭然爽氣之來安若直躬  
之履伏惟朝賀侍郎公忠出使頤養順時遵令序於  
海邦納殊休於賓館將馳詞候俄首沐於貺音祇荷  
謙勲第倍深於銜感謹奉狀賀兼謝

答正使重陽

不曾用

伏以龍山吹帽傳晉彥之風流藍水看英播唐英之吟詠伏惟朝賀尙書遠據賢業出擁使華將越雙闕之嚴暫憩四明之隘適逢令節倍納純禧願馳悃之未遑遽貽緘之先辱情誠深荷筆舌奚殫謹奉狀賀兼謝

答副使

伏以江涵秋而鴈翼初飛曾動齊山之詠菊盈把而酒樽入望素傳彭澤之情伏惟朝賀侍郎遠泛鯨波將趨鳳闕仗忠懷而濟險遇佳節以納休脩問尙稽臆音先及在感慙而相半欲敘述以難窮謹奉狀賀兼謝

章先生集卷一四

七

答正使先狀

奉慰番回程

伏審畢使事於天庭悠然回棹趣歸期於海域復此取途將伸候迓之勤先沐緘題之貺第深感刻難罄敷陳謹奉狀攀迎兼謝

答副使

伏審奉幣造朝已致侯藩之禮遵程還國載揚使節之光方欲展於郊迎俄先形於書覘其爲感哉無以喻云謹奉狀攀迎兼謝

答正使不赴大排

茲者將修主禮之勤庶幾肯顧未許使華之辱敢不敬從在跂望以彌深欲指陳而莫究謹奉狀謝

答副使

伏以敬邀軒從肆筵愧乏於嘉穀遽枉牋題左顧不  
蒙於重諾第勤嚮望難盡敘陳謹奉狀謝

答正使賀五月旦

伏以律當午位氣肇一陰屬改朔之令辰有安時之  
妙理伏惟奉慰尙書秉心處正順序納休茂膺穀旦  
之和倍擁繁禧之集阻趨舍館辱枉緘題荷德固深  
撫躬增愧謹奉狀賀兼謝

答副使

伏以晏陰成物允協令時合朔在天欣逢穀旦恭惟  
奉慰侍郎才華輝映器宇恢宏深明消息之機倍納  
駢繁之祉未遑展慶先辱既音徒積覲顏曷勝染翰  
謹奉狀賀兼謝

送答正使物帛

伏以寵貺物儀永佩至勤之好敬馳餽贐敢將匪報  
之誠具列別牋第增深愧謹奉狀諮聞

送答副使物帛

伏以持節而來旣首貽於方物揚舡以往敢輒獻於  
贐儀聊致微誠具陳他幅謹奉狀諮聞

答正使先狀

賀登寶位  
番回程

伏審肅奉國珍望赤墀而入貢茂膺宸渥攬華旆以  
言旋將遂披承先貽緘翰仰佩謙勤之意益深銘感

之誠謹奉狀攀迎兼謝

答副使

伏以望雲來貢蚤幸覲於風規航海言還將載瞻於  
聲采首貽華翰益佩搗謙感愧之深敷宣曷究謹奉  
狀攀迎兼謝

送答正使物帛

拜不曾用

伏以南國珍奇過勤來覲中州菲薄輒浼將行雖誠  
意之有加愧物儀之不腆具陳別幅尙憚虛拘謹奉  
狀咨聞

色羅七匹色綾八匹色紗一十九匹土絹四匹

右謹隨狀塵浼伏惟留納

韋先生集卷十四

十九

送答副使物帛

伏以曩貽方物深荷意於勤隆茲奉虛儀竊懷慙於  
輕浼有少微品具於別牋謹奉狀諮聞

色羅八匹色綾一十四匹色紗一十九匹土絹四匹

右謹隨狀塵浼伏惟留納

答正使謝赴大排

不曾用

茲者肆設維勤仰威儀之秩秩獻酬有序敬德義之  
温温方慙情禮之疏又辱緘題之重欵誠所積筆舌  
難窮

答副使

茲者開筵有待慙不腆於豆觴擁節肯來幸少留於

輿馬不圖謙德更辱華緘感與愧并情非言盡

伏以角黍薦甘靈符祛癘襲風流而惟遠驚節候之

不曾用

遽遷伏惟奉慰尚書德度汪洋材資瑰瑋邁良辰於  
行館集休祉於直躬方圖竿牘之修首沐緘膺之贖  
其爲悚荷莫盡指陳

伏以乘時採藥幽人矜肘後之方當晝曬書高士銜

腹中之蘊伏惟奉慰侍郎霜松挺節火玉凝姿順履  
令辰宜膺多福方欲馳誠而修慶遽蒙枉翰以示謙  
懷感實多形言難盡

韋先生集卷十四

三

書

上王內翰書

具位某謹齋沐裁書有獻提舉內翰閣下某聞道之  
難行也唯德可以行之道之難明也唯文可以明之  
以德而不以文其傳也不足以遠以文而不以德又  
可傳乎哉二者相須而成以爲斯道之主者必有命  
世者當之孔子沒異端起邪說誣民孟荀楊相繼於  
曠代而以是爲己任使聖人之道復振於頽圯墜絕  
之閒而後之人不陷溺其良心者皆其力也久而陵  
夷至於有唐獨韓氏奮起排非救失其功不後三子  
降及五代彫敝尤甚我朝之興剡革衰亂雖百有餘

年而教化已被然而世之士類未能向本學以組繡  
爲得而不知有經術之用行以智巧相高而不知有  
仁義之守鉅人閒出往往橫身肆力圖所以矯變之  
趣若其德足以行文足以明堅厚醇粹傑然而不可  
儼者唯公一人而已天下之士踐履術業有所未正  
莫不指公以爲羞其間至與不至雖未可以量其於  
翕然成風疊疊不已而日入於敦實之域豈爲小補  
焉且公豈人人而教之乎如人人而教之則力亦不  
給矣然則何以哉公之文自六經而明之者也公之  
德安中庸而行之者也其所以育天下之材者以此  
也夫唯如是則公之功又不後於韓氏也去韓氏之

負況某也承教之舊豈以欲然於心而自絕於大君子之庭哉是敢敘悽悽以聽命於屏下謹獻近所爲論一編鄙淺無取徒爲摯見之禮且以發請誨之端也干浼威嚴不勝惶懼不宣某再拜

上滕舍人書

月日具位某謹再拜上書糾察舍人閣下某聞古之君子所以大過人者以其善推所爲以及人知貴富利達之所以自任而不以貴富利達之勢介於胸中則位益高心益廣其所以推而及人者日益遠且大也於其所及人之閒其數甚博而莫大於以道義樂育其類夫樂育之者非在於日講月論規規諄諄於

章先生集卷十四

三

尋寸毫髮之中彼能適然而向我者我察其材志而扶導之羽翼之使之自我而至於有爲而后止此誠大君子之任也恭惟執事以巨材厚德致身高顯所施靡大皆有原本欲以兼天下之善而未嘗以翽忽驕天下之士眞所謂知貴富利達之自任而不以其勢介於胸中也士人滿門其被扶導羽翼之賜者爲不少益以日月則孰不至於有爲眞所謂善推所爲以及人也某江湖野人幼喜讀書二十來京師求祿仕同時進取之流素不識面者往往或道名而指背究其所緣皆執事譽飾之致也未幾附風雲之末僅竊科第一落塵土閒關無狀雖自信之心愈於前時

而蹤迹澆浚去門闌日以疏也因循歲時幾十五年  
今日赴銓衡會執事有典制之拜地雖愈崇而微藁  
之舊不敢自棄於將命謁既上矣執事遇之如平昔  
詢之以術學勗之以不倦益又知執事以利達自任  
而忘其勢欲推所爲以及人之甚也使某也愚而無  
所欲爲則已如欲有爲則舍執事之門奚往哉謹錄  
新文古律詩其八十篇塵獻几格非敢以爲文章徒  
以爲請教之資且明年雖加而學未晝也惟執事不  
以狂狷之進而咎之不以挾故之問而卻之則幸甚  
幸甚干冒威重不勝戰懼不宜某再拜

上太守書

韋先生集卷十四

三

月日具銜某再拜獻書某官閣下夫棖題之材施於  
大廈能勝其任者棟梁借之勢也腹背之毛傅於鷗  
明舉而沖天者六翮借之勢也雖有利鏃與之勢則  
犀革可貫否則魯縞不入雖有輕車與之勢則千里  
可至否則跬步不進豈物獨有是殆人亦然矣今天  
下之吏官小而任重者縣令爲甚縣令之權裁制萬  
室雖舒慘在手而其勢實資於刺史刺史與之勢則  
利可以興害可以去事之疑者可以聞政之便者可  
以專所革易以遷所集易以成下之難化者不能輕  
議以動搖若然患胸中無有耳何爲而不得哉其於  
幼學而壯行庶幾無憾也刺史奪之勢則利不可興

害不可去事之疑者不得以聞政之便者不得以專  
所革難以遷所集難以成下之難化者莫不輕議以  
動搖若然惟擯斥是憂奚暇於設施乎故曰在下位  
不獲乎上民不可得而治矣然獲乎上有道非脅肩  
諂笑耦意求從而獲之也必將誠於身悅於親信於  
友然後獲之也獲之不敢豫於己曰有義不獲不敢  
非其上曰有命然則不賢者能若是乎故上之人孳  
孳聽察者假借於其賢者以其有爲也某不競生於  
田野不習他技專意經史適時得官才不應用強勉  
驅策爲貧而仕自比闕柝所向未能發其志所立未  
能聞於時塵泥十年食粟而已誠可羞愧今此何幸

查先生集卷十

三

吏於執事鎮撫之下得邑徧小尤利於拙視事六月  
矣無分寸之美挂人齒牙而譴責不及誠執事庇育  
所賜也然而迹遠麾席無緣時伏左右仰聽教命且  
致一言以宣鄙心之萬一惟自餒矣祇役茲便來拜  
庭下豈復默默以自取棄故敢敘其說于叩將命以  
爲資勢之兆則於從政也豈云小補哉覲執事亮其  
誠不以狂妄咎之則幸甚幸甚不宜某再拜

上通判官

月日具銜某齋沐拜書某官閣下某聞聖人之言曰  
君子易事而難說說之不以道不說也及其使人也  
器之小人難事而易說也說之雖不以道說也及其

使人也求備焉嗚呼斯言至矣乎夫易事則人樂爲用而難說則君子進焉以君子之高明粹美而其類日進於前故其智慮益廣而其道益尊也難事則人不樂爲用人不樂爲用而易說則小人進焉以小人之道隘敖僻而其類日進於前故其智慮益淺而其道益卑也然則小人之事易事也雖有便巧之資捷給之材求耦其意而爲之任也固不可得矣若夫善悅則將安施乎君子之事難事也雖有宏遠之器兼濟之術求其見信也固不可得矣若夫妄說則其能爲乎是以古之君子擇所事而事之未嘗妄仕也至有膾肉不及不稅冕而行千里而至不受祿而去必不得已則乘田委吏抱關擊柝爲辭富辭尊之計耳今之仕者非若古人然古人之仕於魯不合則於齊又不合焉則於鄭於陳於楚於燕俟其合而止也今人之仕受官於朝隸職於外唯其所事而事焉姑潔已自信理義自養迺其遇之難易有幸與不幸也夫何擇哉幸而得所事不披心腹極思慮蚤夜孳孳竭其所能而爲之用者可謂智乎某無狀幼而罷輒不能鉤農工之勞又恥遭明時而不自植立不得接踵薦紳以設施仁義之蘊講明王道之原故勉力讀書十年而仕仕十年矣而官爲縣令食粟而已所爲蓄縮未足動人耳目而際昔賢之畛域唯夙宵皇皇常

恐碌碌與俗吏相類仰於一世中耳乃所幸者獲事  
執事之賢且明也到官之始趨謁庭下執事引之坐  
未霽威誨語諄諄不已迺知執事開易事之心而少  
加亮於愚衷也坐局臨政行將滿歲而不被譴斥豈  
非執事之賜乎圖欲俯伏左右道胸中之一二且聽  
教命而執事沛餘他郡又數百里而遠也所守拘繫  
願未獲伸第瞻頌盛德而不知止極充於心而形於  
言故筆之書以寓獻几格恭惟執事信道甚篤自知  
固明不以其言爲妄說也至於披心腹極思慮蚤夜  
孳孳竭其所能而爲之用則某不敢棄智就愚而失  
所事於君子也干冒視聽不勝惶恐不宣某再拜

章先生集卷十四

五

上章郎中書

某聞古人有言曰幼而學之壯而欲行之夫行之有  
二窮則行之身達則行之民行之民之尤切者宜莫  
若郡守縣令守之於令卑高之相遠其閒不能以寸  
雖所施有大小而其趣無以異也而其治未嘗不相  
資以成守得其令可遺一邑令有賢守可遺一身遺  
之非忘之也無可慮之患而知其必以濟也若其不  
虞之憂則君子不憂矣且郡守筦攝其下有貴重之  
勢視令之才則變置之易如弈碁耳至於得其人猶  
悅以自慰況令焉者進退在守而獲遇其賢且明則  
其樂而自幸也宜如何哉樂於中必形於言旣樂矣

苟爲能言不宜閒默以自舍然或遲遲其言者蓋將待可言之際耳故曰言未及之而言謂之躁言及之而不言謂之隱非躁非隱其可言之際乎善知本者事其上之賢也不當以是夫某不競生田野閒幼不他習而喜於學學十年而仕仕之年十而治官纔再耳僂俛其位夜氣以存雖毫髮之務不敢輕以視從公之餘則頰仰羣籍資取理義以益胸中之未逮能雖未知抑不可謂不知其本者矣臨邑無狀逃責逾歲始獲事於閣下迎拜麾旆之初固已樂而自幸矣然而視不敢仰語不敢出縮縮然與於旅進之後非愚於自棄也誠以塵賤之迹未見亮於閣下苟言之不既失於躁乎今聽命於局三月矣政無可稱而譴斥不加鄙樸之守庶幾稍安而閣下必少加察也居可言之際或反箝結以自隘某獨何心哉故敢敘其款以露獻於左右冀閣下憐其誠而納焉則幸甚幸甚干冒清嚴不任悚息不宜某再拜

謝章守書

某謂詭言似正順言似佞苟辨其詭不可惑於似正而取焉苟察其順不可惑於似佞而拒焉是爲知言之至也某今日之言順言也恭惟明公不以似佞而拒之夫師帥千里如古諸侯之任近而與生民興利去疾遠而爲天子宣布風化非高明簡重知治體之

君子明敏而才者將子子苛刻務爲煩碎非徒無益而又擾之迂而滯者將靡徹不振坐視其下受患而已耳且自濶而東葵爲大邦人多高貴習俗素薄悍鬪囂訟相軋務勝朝廷難其尹而別爲東擢之地明公居之朞歲矣政舉治成得寬猛之中吏民帖然莫不心悅而誠服眞所謂高明簡重知治體之君子也某竊守下邑偃仰教命之久惟知貫行夫復何指明公不以某爲不才召置節下使治訟數月雖朝夕僣俛悉力從事而昭昭之前事至見本重輕取舍罔或違道指諭條理無有齟齬徒欲作聰明爲毫髮之補不可得已退歸故局遽遠言誨乃心茫然如失所依

韋先生集卷十

三

徐而精思第知仰公治體之明而頌公盛德之美耳明公恩於鄙樸矣不有妄說求之疑是敢敷爲順言以獻左右在明公自知不惑必不謂其似佞而拒之也干冒清嚴情悻顏泚不宣某再拜

某謝楊倅書

某謝楊倅書

夫挾故而問君子所不答也何則資於師者不當恃舊故而易視之苟有恃而至其不受之宜矣此特以道義之貴雖一問焉不可有所挾况從政事上其勢愈於彼其又可以有挾乎蓋曰法在焉而已耳且義之失然後有法及其至也義或不勝其重上下有分之謂法故舊不遺之謂義今從政事上而不可挾故

是義不勝法之重昭矣然而上焉者主於法而義得以兼下焉者唯守法而俟其義而已某拜閣下之德舊矣典邑于此復冒閣下之庇曩者被檄假治督郵朝夕趨走左右言必公禮必吏私心欲然不敢有一芥之挾曰守法可也閣下霽威嚴而接之又援之以備所薦豈獨主於法而兼義邪殆將先義而後法也還邑七八日驟違門闌惟仰高感義之不暇情動語發書畫不能究盡姑獻其略以瀆視聽幸閣下少加亮焉不宜某再拜

上憲使書

夫士之有常心而不變於異物者以其仁義禮知根

章先生集卷十四

三九

於中非有待於外而然也故富貴不能淫貧賤不能移威武不能屈其所以自視常欲然而其志未始一日倦於爲善非所謂慕賞飾而畏罰沮也其知天之所與而趨向操守適當然耳是故其臨下也恕其事上也忠取舍有義進退有命卷而畜之終身無足憂充而擴之兼善固有餘裕志得不以泰不得不以憾求乎在內而不求乎其所不在也故曰人知之亦囂囂其尊德樂道不如是不足以有爲也然則有是心也豈或詭激以取聞乎美言以求合乎不由是而聞不由是而合其必歸於與正也天下之與正者常少而好說激說美言者常多是以士之有常心者不常

聞且合也某愚無似學粗知本僂俛微宦一紀於茲  
所施蓄縮固不足道而滋養舊蘊不舍所受未嘗敢  
以簠領充末而輒忘去也若其尊德樂道雖未足以  
有爲亦庶幾有常心而不變者矣恭惟明公宿德大  
度敦與正之心按視一道察羣吏之短長善否昭如  
秋陽明白不可蔽至於詭激美言皆明公之所不取  
也某今日之幸以屬邑吏迎拜麾旆之下獲吐一辭  
以歸高誼豈所謂取聞求合之正乎亦樂於見賢而  
不得閉默以自弃也惟明公察焉而進退之不宣某  
拜

上王漕書

韋先生集卷十四

三

某月某日具銜某上書某官閣下某幼貧而愚不能  
習知他事唯讀書考古學爲文辭規速化之術且不  
自度謂仕則行道如反掌耳弱冠而得官奔走十餘  
年志未及舉氣未及舒凡所注錯去離繩約僅或容  
髮則有履禍之畏況道之欲行其可竊覲邪所不失  
者從公之餘則偃仰圖史耽味經籍究前人之是否  
評眾事之得失發於詞章議論誠雖不才固亦足以  
自樂也得是樂也其敢謂之自致乎幸而隸明公按  
舉之下民信吏戢庶務條理故樸鈍之守亦見包蓄  
而不加擯斥遂得樂於此耳然不幸所典窮僻不得  
一拜麾節仰聽教誨以發胸中之未逮則前所謂樂



